

《四库全书 剡录》 (宋) 高似孙 撰

钦定四库全书

史部十一

剡录

地理类三

都会郡县之属

提要

臣等谨案剡录十卷宋高似孙撰似孙字续古号疎寮宋诗纪事作余姚人而是书自序自称鄞人则厉鹗误也淳熙十一年进士历官校书郎守处州陈振孙书录解题称似孙为馆职时上韩侂胄生日诗九首每首皆暗用锡字寓九锡之意为清议所不齿知处州尤贪酷其读书以奥僻为博以怪涩为奇至有甚可笑者就中诗犹可观周密癸辛杂识亦记其守处州日私挟官妓洪渠事其人品盖无足道其诗则疎寮小集尚有传本而文章不少槩见此书乃所作嵯县志也嵯为汉剡县地故名曰剡录前有嘉定甲戌似孙自序及嘉定乙亥嵯县令史安之序盖成于甲戌而刊于乙亥故所题先后差一年其书首篇为纪年次为城境图次为官治志附以令丞簿尉题名次为社志学志附以进士题名次为廩驿楼亭放生池版图兵籍次为山水志次为先贤传次为古奇迹古阡次为书次为文次为诗次为画次为纸次为古物次为物外记次为草木禽鱼征引极为该洽唐以前佚事遗文颇赖以存其先贤传每事必注其所据之书可为地志纪人物之法其山水记仿酈道元水经注例脉络井然而风景如觐亦可为地志纪山水之法统核全书皆序述有法简洁古雅迥在后来武功诸志之上殊不见怪涩可笑即所作子畧亦不甚逮于人情而陈振孙云云殆不可解盖南宋末年道学一派惟以语录相传习江湖一派惟以近体相倡和而似孙所述多魏晋以来诗文事迹与当时风尚相左故骇而走欬

乾隆四十三年七月恭校上

总纂官 (臣) 纪昀 (臣) 陆锡熊 (臣) 孙士毅

总校官 (臣) 陆费墀

●剡录原序

山阴兰亭褰剡雪舟一时清风万古冰雪王谢抱经济具二戴深经学奈何纯曰高逸也呜呼山川显晦人也人隐显天也天下多奇山川而一褰一雪致有爽气可谓人矣江左人物如此然二戴剡王谢亦剡孙阮辈又剡非天乎汉迨晋永和六百余年右军诸人乃识剡永和至皇宋嘉定几千年史君尹剡访似孙录剡事剡始有史桑钦水经酈道元注道元魏人先儒辨其北事详南事畧似孙鄞人也如其精核俟剡人宋嘉定甲戌高似孙

剡在汉为县在唐为嵯州未几复为县本朝宣和间以剡为两火一刀不利于邑故更今名邑旧有乡四十后分十有三别为新昌县今所存纔二十七乡耳夫州县之名虽

数变更然山川之灵盖自若也使剡古而有志则历代因革废兴之典百世可知也余惧夫后之视今亦犹今之视昔故为剡录十卷录皆高氏所作凡山川城池版图官治人杰地灵佛庐仙馆诗经画史草木禽鱼无所不载度此板可支百年后之人毋以印刊而辄废斯书也嘉定乙亥县令鄞人史安之

●钦定四库全书

剡录卷一

(宋)高似孙 撰

○县纪年

越都督绍兴府为县八望曰嵯县【字书曰四山为嵯四水为霁】县有嵯山【酈道元水经曰嵯山与嵯山相连】又有嵯亭【十道志曰剡至嵯亭絶湍险商客往来皆以装束齐仆射张稷宰此县生子名嵯字四山虞騫至嵯亭诗命楫寻嘉会信次歷山原扞天上云紜与石下雷奔澄潭写度鸟空岭应鸣猿榜歌唱将夕商子处方昏】

汉剡县属会稽郡【道书曰两火一刀可以逃言剡多名山可以避灾也梁载言十道志曰讖曰两火一刀可以逃自汉以来扰乱不少故剡称福地梅福四明山记曰魏扬德祖至四明山逢一老人老人曰我见涧中涌泉流一金刀两仙人把神火趣之可往寻之德祖行前见两人把神火及得水中金刀可长二尺二人者见德祖倏去德祖曰两火成炎字炎边得刀是为剡字因号剡溪又曰剡山德祖为铭二百字刻此峯罗隐剡景诗两火一刀罹乱后会须乘兴月中行】

唐武德四年平李子通【唐郑言有平剡录一卷】以剡县立嵯州及剡城县

八年废嵯州及剡城以剡县仍属越州【赵嘏发剡中诗正怀王谢俯长流更览余封识嵯州树色老依官舍晚溪声凉傍客衣秋南岩气爽横郭郭天姥云晴拂宇楼日暮不堪还上马蓼花风起路悠悠赵嘏诗盖用嵯州也】

宋宣和三年方腊平改剡县为嵯县知越州刘述古言剡有兵火象欲以嵯名县诏从之

○城境图

城【按汉剡县城在今县东北旧经曰嵯城周十二里高一丈厚二丈輿地志曰城开门向江县不开南门开即有寇唐武德中立剡城县有城池括苍管晋修城记曰会稽县八剡为清胜承平日久横目习治庚子之冬睦寇狂勃剡寇应之县有城垒圯弗克守为贼巢穴明年春帅刘公述古统制一道扫清贼党谓令张诚发卒徒虔事课工督程出缙粟以餽夫擘地段以就役甫阅旬朝完壁高堞城之环亘十有二里未几寇率其徒拥梯壁下仰视完壮失气夺色将兵出銳掩之俘馘自是窜伏孽不炽焉侯智宏遠知所先后借不急此孰与民保时绩维茂磨石无愧宣和三年作】

门

东曰东曦西曰西成南曰望仙北曰通越

坊

坊二十四曰访戴秀异字民佐理集贤招提继锦通安继孝齐礼迁善桃源兆庆迎春嘉会仁德弦歌醴泉清河进德妙音丰义成裕化民

镇

县东一百步为剡镇出旧经今废邑民于县西惠安寺前池内得一石题曰瞻都镇又曰当镇奉勅旨重开河池以防火烛己丑岁二月日间北净池天庆观有钱氏时东都文移盖称杭为西都越为东都此镇即是剡镇钱氏有所更易耳【蛟井镇在县西南一十五里旧经曰山下有井井有蛟因是为名宣和四年置】

寨

长乐寨在县西南五十里宣和三年知越州刘述古奏置

管界寨在县西七十里绍兴二十年浙东诸司奏创

境

在府东南一百八十里境东西二百七十六里南北七十里东至奉化县一百四十里界陆照岭西至诸暨县一百三十六里界劳绩岭南至新昌县一十五里界胡墟北至会稽县五十五里界池湖东南到新昌县界一十五里西南到东阳界九十里东北到上虞界六十六里西北到会稽县六十二里

乡

崇信乡有休祥甘泉竹山懷安剡中里 菘节乡有灌涛升仙驯习思善澄江里 灵山乡有钦义下阡静安守义崇孝里 金庭乡有昌化善政惟新永宁緣德里 忠节乡有三峯孝嘉石鼓忠节修仁里 孝节乡有新丰从化招安绥安方山里 孝嘉乡有石鼓桐栢安乐忠节安义里 崇仁乡有感化霞丘静林归善爱敬里 永富乡有克逊西清东阡余风禅房里 崇安乡有澄清懷善依贤化俗清安里 富顺乡有长敬新安温泉慈乌里 清化乡有懷善开明钦贤习善招贤里 罗松乡有紫岩双壁中川断金丰乐里 剡元乡有尊贤澹城中和光明积善里 升平乡有承霞静丰尚贤大和五山里 仁德乡有甘棠永乐余粮归仁金塘里 方山乡有金节永寿懷仁通山光德里 礼义乡有长安仙林平乐懷忠新安里 桃源乡有永阡白泉长乐崇信安居 里积善乡有南岩双壁中川丰乐断金里 继锦乡有驯善攀辕鸣弦戴星迁星里 开元乡有静居回乡招仁居贤冰鱼里 长乐乡有昆山杨明剡元礼义宁安里 太平乡有壁潭择贤懷仁建昌懷信里 康乐乡有游谢宿剡竹山康乐感化里 游谢乡有康乐明登宿星暝投吹台里 灵芝乡有石床东节正筠化善里

【水经曰吴黄门郎黄衰明居嵯县宏训里考之地图今无此里也菘节旧经曰菘音无字书曰菘萑也本草通曰芜继锦旧名治化天圣中邑人史淪登进士第其子叔轸继之县令魏琰改今名齐唐题史氏西园诗戴水寒流对轩檻桃源深径入渔樵陈克诗雨里落帆游谢乡寒声古木共荒凉四山为我洗苍玉况有故人归上方故人汪彦章也

时寓东山国庆院】

○官治志

县治据剡山之阳歷坡而升楼观竦峙颇似会稽府譙登眺所临溪山陈象如顾凯之所云千岩竞秀万壑争流者孔奕会稽记曰剡县治在江东吴贺齐令始移今治公厅相直旧有德星堂名迎薰堂今堂既废扁榜亦不存所可考者有宣和间卢天骥诗云剡溪诗尹亦何人作堂饷客名迎薰虽有桃李姓潘人红梅一窠香入云东有东园有四山阁阁规模庠隘寢就倾圯园存断碑而已嘉定八年尹史安之诛茅营新屋且撤旧而更之增敞县楼广四山阁即厅之东为堂复旧迎薰之名其北为面山堂累石成山玲珑盘错因山之趾注水为池杂艺卉竹相与映发亭榭参错殆十余所皆史尹所创也

古令长

吴卜静字符风吴都人为剡令

贺齐字公苗山阴人为剡长吏斯从为奸斩之从族党纠合千余人攻县齐开城门击破之

晋周翼郟鉴之外甥少遇饥乱赖鉴得存郟亡翼为剡县令解职归心丧三年后歷青州刺史少府少卿

谢奕字无奕陈郡阳夏人父裒为吏部尚书奕少有器鉴歷郡太守掾为剡令有一老翁犯法谢以醇酒罚而遣之累迁豫州刺史追赠镇西大将军

李充字宏度江夏鄂人初辟丞相掾尝叹不被遇殷扬州知其家贫问君能屈志百里否李答曰北门之叹久已上闻穷猿奔林岂暇择木遂授剡县令

殷旷之仲堪子有父风仕至剡令

宋王镇之字伯重祖耆之位中书郎父随之上虞令镇之为剡令并有能名

周顒字彦伦宋明帝颇好元理以顒有辞义引入殿内亲近宿直帝所为惨毒顒辄诵经中因縁罪福为之少止元徽中为剡令有恩惠百姓思之

齐张稷字公乔母疾时稷年十一侍养夜不解带每剧则累夜不寝及终毁瘠过制杖而后起州里谓之纯孝齐永明中为豫章王嶷主簿以贫求为剡令会山贼唐寓之作乱稷率厉部人保全县境

梁王懷之剡令

陈徐陵剡令

唐张子胄剡令

宋令题名

周在田 晁

陈求古 譚雍

魏琰 林檠

章珣 蓋参

沈振 丁宝臣
过 胡格
高安世 聂长卿
江相 郑宗回
刘绘 晏明远
宋顺国 施
侯临 苏駟
贾公述【宣德郎元丰六年是年新官制行】 宋广国
钱长卿 王知元
吴贲 史祈
刘旦 张谔
吕必强 俞应之
符绶 程容
张庆远 邹秉均
孙汝秩 宋旅
孙潮 莫伯■〈车尔〉
应彬 杨植
宋宗年 范仲将
姜仲开 钱塘
赵不退 毛铎
郭康年 蔡纯诚
韩晦 李耆年
赵涣之 郭契夫
赵伯楸 任望之
苏诩 吴儁
陈嘉谋 李耆硕
张商卿 韩元修
郑逸民 季光弼
成钦亮 张注
李拓 陈谟
叶籛 刘渠
周悦 詹入民
滕璘 胡大年
谢渠伯 赵汝遇

史安之 蒋志行

赵彦传 魏炬

蒋峴

刘长卿寄剡中诸官诗【访旧山阴县扁舟到岸涯故林嗟满岁春草忆佳期晚景千峯乱晴江一鸟迟桂香留客处枫暗泊舟时旧石曹娥篆空山夏禹祠剡溪多隐吏君去道相思】

许浑送剡县薛明府诗【车马楚城壕清歌送浊醪露花羞别泪烟草让归袍鸟浴春塘暖猿吟暮岭高寻仙在仙骨不用废牛刀】

方干和陈明府登县楼诗【郭里人家如掌上檐前树木映窗棂烟霞若接天台地分野应侵婺女星驿路古今通北阙仙溪日夜入东溟彩衣才子多吟啸公退时时见画屏】

方干送剡县陈永秩满归越诗【俸禄三年后程途一月间舟中非客路镜里是家山密雪沾行袂离杯变别颜古人唯贺满今日喜同还】

王荆公寄丁元珍诗【溪水浑浑来自北千山抱水清相射山深水急无艇子欲从故人安可得故人昔日此水上樽酒扁舟慰行役津亭把酒坐一笑我喜满颜君动色论新讲旧惜未足落日低回已催客离心自醉不复饮秋果初寒空满席今年却坐相逢处惆怅相逢别时迹可怜溪水自南流安得溪舟问消息】

陆经送丁中允宰剡诗【尘土官曹几处闲君今作邑好开颜落帆直向剡溪口入境先登天姥山鱼鸟半和风俗处云霞多杂簿书间雪晴须去寻安道召作经宵兴尽还】

王平父送聂剡县兼呈沈越州诗【剡溪清泻映檀栾天姥花飞载酒船忆我少年来蜡屐羨君今日去鸣弦从容人乐渔樵外潇洒诗随簿领边太守相逢应见问为言多病忆林泉】

丞治【在县之东南佐理坊治东有月我轩】

题名

季佑之 林通

苗元裔 沈升

毛亶 常棣

赵士叟 许穀

曾勰 刘佺

吕 王中孚

时璫 韩愿胄

章騫 周玘

吴枏 高子津

陈戍 梁立
吴道夫 陈彭寿
项鸮 唐仲义
苏彬 陈昌年
杨浚 楼瀟
俞杭 沈俊心
解汝为 杨遵
张子荣 应泰之
赵崇谏 刘厚南
王彝伦

簿治【县之右依剡山颜有登眺趣山址多林樾嘉定八年尹史安之创建于县左
访戴驿之旧址治有朔风堂】

题名

文绳世 刘士野
吴雍 陈友仁
司马僖 蒋鐔
刁骏 靳
苏林 江涛
郑圭 赵崇规
叶梓 赵善恕
陈秉礼 郑伯行
郑宰 钱观光
边沂 姜强立
赵諫夫 李密
徐愿 沈恣
沈文焕 赵必鼎

罗隱寄剡溪主簿诗【金庭养真地朱篆会稽官境胜堪长往时危喜暂安洞连沧
海阔山拥赤城寒他日抛尘土因君拟鍊丹】

梅圣俞寄剡溪主簿臧子文诗【剡溪无浅深歷歷能见底潜鳞莫苦窥尘土聊堪
洗古木潭上阴遗祠岩下启应识道傍碑因风奠醪醴】

尉治【邻丞治之东治西有隱吏轩】

题名

吴秉 宋易
薛磁 韩昼

干阅 杨炬
程衍 侯杞
林懋能 祝溥
陆釜 杜师颜
吴正国 张永
魏兴祖 赵师向
谢深甫 陈纪
干汝功 锺阐
林升 向士贵
赵■〈与上土下〉 钱闻善
胡之邵 宋元老
赵崇原 支文
赵彦垠 吴元章
任谦之 黄飞
姜渐 邵三杰

榷官治【治在县南三千步为税所厅旧在县东迁善坊尹史安之移于县西化民坊】

○社志

社【旧经在西南后移在此嘉定八年尹史安之重建于县西】

○学志

崇宁二年以旧学增建五年六月罢八月复置学五十区为缗钱一千四百三十有七粮为斛一千五百四十学长谕直学各一人斋长谕各一人学生文士五十人武生阙焉小学教谕一人小长一人学生四十人出政和学制嘉定八年尹史安之得絶产

旧经载孔子庙堂在县东南庆历八年县令丁宝臣所创临川王安国平父为记【今不存】

修学碑【庆历八年五月旦】 【太子中允】丁宝臣

天之道运乎上地之道处乎下圣人之道行乎其中一物不生非天地之道一民不治非圣人之道自尧舜禹汤文武成康至孔子千余年治天下者同其道也乱天下者异其道也剡令沈振初筑学舍未及完而徙他官宝臣至则嗣而成之迁殿于其中塑孔子像高弟十人配坐左右新门严严应门兢兢两序翼翼中庭砥平令与学者春秋释奠朔望朝谒于斯学也其可废乎噫圣道与天地无穷天地毁则圣人之道或几乎熄学其可废乎【宣和中燬于盗建炎元年令应彬建孔子殿后三年蜀郡范仲将始置廊庑又明年淄川姜仲开始大之】

修学碑 【汝阴】王铨

岷西南隅羣峯之麓下临剡溪山川环拱气象雄张有学焉庆历八年令丁元珍始加兴葺宣和初焚于兵建炎元年令应侯彬建孔子礼殿三年春蜀郡范侯仲将崇廊庑备像设因其旧而升大之又明年淄川姜仲开以学为急又建学堂移殿庑与门南向致厚于学者靡不至也落成于绍兴五年秋先王建学校匪在弦诵威仪以德行道艺教养成就其才将以明师友之道世无师友道不传也孔门答问独于颜子告其大者子夏子张为诸侯师子贡筑室原宪弃仕所被者远也孔子没而学进者曾子也一以贯之许之以道矣曾子传子思子思传孟子所谓忠恕所谓诚明所谓养气一也今夫辩足以使四方勇足以将三军一为不善不足以诃仆妾气馁失据不在大也是未闻曾子子思孟子大勇乎学者显穷齐致生死不变蹈道自乐至于没齿不可一日废其常心而已晋南渡王谢孙李支许之伦初过浙江为剡中山水清放之游一时称高会不知邑东余姚有诸冯之地舜所生也其北会稽之地禹所没也舜禹功被万世而有见于遗俗亦闻圣人之至德乎范侯俊明高爽健于立事姜侯刚明廉肃政在急吏宽民人大化服郁郁然洙泗之风矣儒学为吏师政事出经术戎马之间力兴学校知急所先所立卓矣俾刻于石知所劝焉【性之外舅曾公衮以书称此记曰会稽之地但知王谢风流不知诸冯禹迹实为风俗所系其有益世教乎】

修学碑【干道癸巳七月】 【左朝议郎主管台州崇道观】周汝士

簿括苍江公尉临海谢公视事之初谒夫子庙歷视倾欷上漏下湿诸生无所归因愀然曰政孰先于此同心之言其应如响于是定规摹审材用聚糗粮命徒庸弊者葺之壞者新之课有限试有法诱掖不倦发于至诚诸生激昂日进于学剡之文治焜然一变蓋数十年未有也古之仕者以其所学后之仕者以其所不学古之学者一毫未信而使之仕虽圣人有所不能后之学者幸而入政往往视所学为空言漫不知省曰从事于斯吾知为政而已也不知所学为何事也昔鲁修泮宫从公于迈无小无大蜀起学宫邦人向化鸿儒奇士间生特起异时揆藻天庭渊源四海如游夏辈可不知所自耶

新学【旧在县西五十步嘉定七年尹史安之移建于县西南继锦坊为屋百区前有泮水秀异亭】

嘉定七年史安之行尹事三叹旧宫荒隳士失肄业相攸剡山庚兑之隅乐其崇峻敞开山水明美如杜子美所谓剡溪秀异李太白所谓剡水石清妙者乃匠新宇■〈车献〉■〈车献〉鬼鬼志于鉴风教琢翹楚也呜呼作学非难也继难也继非难也知为难也然岂无知者乎晋湛方生修学教曰岭举云霞之标泽流清旷之气山秀水清荆璞在兹剡山水有之魏曹植孔子庙颂曰修复旧庙丰其薨宇莘莘学徒爰居爰处王教既备永作宪矩剡学者图之

新学记

岷古剡也剡溪蕴秀异欲罢不能忘杜少陵之诗云尔夫秀异之气周流磅礴鍾为 人物必有资稟英粹为时翹楚者其可轻哉燮庀职成均日延四方士相与欵语观其为

人有端方者有谨厚者有志气不羣者有俊敏可喜者品彙杂然未易枚举非独通都大邦人才之所自出虽僻郡小邑亦未尝乏人因是思人才之生何地蔑有今犹古也维古盛时待士类甚厚长养磨淬不厌不倦良心德性日益着明于是乎皆为善士随才器使有功有业即今之士类而以古人长养磨淬之道与之周旋迟以岁月则亦当有不可胜用之才岂不甚可贵哉不惟胶庠如是抑郡若县之学皆能用是以淑士类承学之流跃然奋发者亦必多有之兹理甚明任是责者不可不勉四明史侯之为岷宰也悼学宫之壞栋挠柱欹岌岌将压俊秀朋来肄业无所欲一新之役大而费广资诸众力义不可强则以身任之曰事未有不可为者节浮冗室渗漏裕财之源用由是足主簿徐君愿甚伟兹举曰此吾所欲为顾力不逮尔议罔不合事由是集旧学在城之隈地非爽垲气郁不舒周览以求胜处乃得今地临流负山面势宏杰经始于去秋而告具于今春自大成殿至于两庑重门自明伦堂至于东西斋序自仓库至于庖湏凡屋百区坚壮轩豁遂成伟观而纖芥不扰士业其中雍雍愉愉有云飞川泳之适侯及主簿君皆有书来属燮识之燮不敢辞侯名安之字子由太师之孙今丞相之从子生长金玉渊海之间益自砥砺不溺豪习而留意于学宫如此可谓知本务矣诸生涵濡教育何以报称亦惟有志于道静观此心与天地同本与圣贤同类我欲为善谁能御之充火然泉达之端谨握苗茅塞之戒更相磨励儒风大振则侯之至望也尚勉之哉嘉定八年四月乙未朝散郎试秘书少监兼国子司业兼国史院编修官实录院检讨官袁燮记

渊源堂孔门像

剡周氏作渊源堂制先圣十哲坐像列画七十二子为一堂辟富学辉声集彦擢秀恢义五斋又有细论堂蕴秀轩同襟馆兰馨室时永嘉王公十朋居师席台温秀士咸在馆塾王公记曰孟子曰君子深造之以道欲其自得之也说者因孟子之言论渊源之学本乎自得非传授所能呜呼是见孟子之言不究孟子之不必言也夫欲造道于未得之前不资诸师友可乎必深造而后能自得非孟子有所不能言未有舍师友而自能深造者此又孟子所不必言也孟子知性为善知道莫大乎仁义为七篇书其自得是如此者世之学者多矣自得者鲜父兄之教子弟固非无师友也命之之意殆不过传句读习文词尔鲜有及乎道学之渊源望其深造自得可乎周君诫子孙曰亲师友之渊源噫君之家训过人一等矣虑子若孙懈而弗遵为名其堂且记其事似孙曰家有塾党有庠古人之教也王公之记其叙若此岂不足以裨风化美习俗乎取以系诸学

进士登科题名

史纶【天圣五年王尧臣榜】 史叔轸【纶之子景佑元年张唐卿榜】

茹约【庆历二年杨寘榜】 茹开【皇佑五年郑獬榜】

姚勔【嘉佑四年刘辉榜】 史安民【熙宁九年徐铎榜】

黄特【元佑六年马涓榜】 求移忠【绍圣元年毕渐榜】

姚舜明【绍圣四年何昌年榜】 求元【忠崇宁二年霍端友榜】

黄唐杰【宣和三年何焕榜】 马佐【绍兴十三年陈诚之榜】
茹绍庭【绍兴十五年刘章榜】 周汝士【绍兴十八年王佐榜】
茹骧【绍兴十八年王佐榜】 周汝能【绍兴二十七年王十朋榜】
周之纲【淳熙二年詹骕榜上舍】 唐锜【淳熙二年唐骕榜】
白公焯【淳熙十一年卫泾榜】 石宗万【淳熙十四年王容榜】
周之瑞【淳熙十四年王容榜上舍】 郭绰【淳熙十四年王容榜】
宋叔寿【绍熙四年陈亮榜】 石宗魏【庆元二年邹应龙榜】
王复明【庆元五年曾从龙榜】 茹骕【庆元五年曾从龙榜】
石孝溥【庆元五年曾从龙榜】 任必万【间禧元年毛自知榜】
过文焕【间禧元年毛自知榜】 周之章【嘉定元年郑自诚榜上舍】
茹或【嘉定四年赵建大榜】 姚镛【嘉定十年吴潜榜】
周宣子【嘉定十年吴潜榜】 过窠【嘉定十三年刘渭榜上舍】
周溶孙【嘉定十六年蒋重珍榜】

○廩

旧在县西山头嘉定八年尹史安之移置县前

○驿

驿名访戴旧在县左之访戴坊嘉定八年尹史安之重建于东门之外水行而舟陆行而车皆于此判袂人以为得津埃之要焉

○舫雪楼

嘉定八年尹史安之新创出东门在访戴驿之南下俯清溪前列迭嶂楼之下扁曰剡川一曲

○戴溪亭

出南门枕碧溪有戴溪亭佳山清湍芊林古渡蔚茂平远尽入临眺王铨戴溪亭诗碧玉仙壶表里清我来闲伴白云行四山迤迳青围野一水蜿蜒碧遶城试问春来观秀色如何雨后听寒声老人飞驭烟霞外落日空含万古情又诗天上东风转斗星天涯羁客尚飘萍道涂只漫经残岁风雪那堪客旅亭春到怯添双鬓白夜寒愁对一灯青絶怜万古凄凉恨不计樽前一醉醒王梅溪戴溪亭诗剡水照人碧剡山随眼青吾来非雪兴暂上戴溪亭尚书芮公辉持宪节登此亭赋诗溪山之兴无时尽兴尽名亭意可知出岫孤云含细雨投林宿鸟爱深枝风流已是千年事公案今成七字诗短棹悠然随所适人生出处要如斯亭旧名戴溪芮公更为兴尽今仍旧名

○放生池

出北门半里有亭名恩波亭之前后皆有池

○版圖

田为晦三十七万五千七百三十八废者为晦八千四百二十今为晦三十六万七

千三百一十有二嘉定以后晦

夏输上供折帛钱为缙四万二千四百一十有九和买为绢一万八千四百五十有一捐其坍失者合输绢万有八千二百二十有九紬二百六十有九绵为两二万三千一百一十损其坍失者合输两二万七百七十有八茶租为缙七百四十小绫二百五十为缙一千五百四十米为斛二万四百蠲阁者斛五百有七合输斛一万九千剡田厥上依溪作碓厥中陂池为利厥下者以云雨为丰凶其得陂碓者十不能二三故田事饶薄农人艰难他州丰剡不全熟而又税重科滥催督罕经使已纳者不复输合科者不复过则田饶农难尚庶几焉

县郭为户一千一百九十四为丁一千八百九十五嘉定以后

乡落为户三万二千为丁五万六千八百一十八嘉定以后

○兵籍

尉司弓兵一百人

长乐寨兵一百人

管界寨兵一百人

剡録卷一

●钦定四库全书

剡録卷二

（宋）高似孙 撰

○山水志【用酈道元注水经凡例】

剡山为越面县治府宅其阳北出一峯曰星子峰比他山称峻竦冈陇迢递与星婺脉络其下曰剡坑清湍潺潺行竹树阴坑左右多果卉西为圣潭山深而松秀中有潭穴泓泓可勺【沃州记曰东南山水越为首剡为面其山巖屹起一峯上有浮图号白塔诗僧仲皎结庐于此曰闲闲庵汝阴王铨赋诗贺家湖东剡溪曲白塔出林山断续雪中兴尽酒船空境高地胜何繇俗谁结禅居在上方山房曲折随山麓个中非动亦非静自是白云檐下宿世传秦始皇东游使人斲此山以泄气土坑深千余丈号剡坑山王铨有剡坑采梅诗岭上寒梅自看栽山斜一半似屏开春寒点点枝头雨上有东流水过来坑涧之水清洁可爱又多花果】东为嵯山山有嵯亭带山临江松岭森郁沙水平净【嵯山在东三十里水经曰山上有亭亭带山临江松岭森郁沙水平净】又东为簞山山势平整如设莞簞有白岩龙祠碧潭渊渊用干霖雨其下众流趋导湍石汛激浮险四注【在东三十一里有白岩神祠并龙潭祈祷辄验旧经曰山遥望之如铺簞】又东有四明山千冈万崖巍与天敌阳岩阴嶂怪迹可稽有谢遗尘居【在东一十里高二百一十丈周围二百一十里又绵亘上虞余姚间会稽地记曰四明山高峰轶日云岫蔽天梅福四明山记曰四明山境四周围八百余里内通八百余家居之其山四面形势各有区分东为惊浪之山西拒奔牛之垄南则驱羊之势北起走虵之峭其中通一溪曰簞溪东面七十

峰号惊浪山其境接句章东为句章之地西面山状如奔牛山中有五峰形如芙蓉号芙蓉峰正是四明山之心其峰有岩及石壁二峰生五种之芝自然花药南七十峰状如驱羊号驱羊峰其地宛转吐出清涧有七峰甚奇一涧出南过一百二十里其水归鄞江南源是四明山南门也其溪号为白溪西南有八峰如会囊号八囊山向北有两山如走蛇山足涧深七十余里是四明之北门梅福四明山记四明山四面二百八十峰周围八百余里山内生银兰香草药石乳梓松栢桎黄杨茗树石燕毛竹银笋不死之盐孙绰天台赋曰涉海则有方丈蓬莱登陆则有四明天台皮日休诗穴间有真宰四逵见苍崖山中有九题者谢遗尘所居也张士逊送高学士如越诗山影四明接溪声万壑流彭汝砺送越帅程公辟诗一水北邻千里海万峰南揖四明山】絶东为三峯山其阴与鄞之雪窦山接冈岭敷亘涧道奔流又有南山黄山与白石三山秀拔卓立【水经曰东有簞山又南有黄山与白石三山为县之秀峯】又东为石鼓山山有祠所谓石鼓者人践焉石辄响答【东五十里有石鼓神祠沃州记曰北对四明而金庭石鼓介焉诸暨县亦有石鼓山】又有动石山山下通临溪溪中巨石数百磊磊天欲雨石必先动山剡深潭以宅龙物【东五十里】又东为丹池山积翠缥缈云霞所兴神仙之宫也池有水赤色勺之洁白【县东七十二里旧桐栢山唐天宝六载改为丹池道经曰上有桐栢合生下有丹池赤水南岳真人曰越有桐栢金庭与四明天台相连神仙之宫也真诰曰桐栢山高一万五千丈周围八百里四面视之如一其一头在会稽东海际其一头入海中是金庭不死之乡在桐栢之中方四十里上有黄云覆之树则苏纁珠碧泉则石髓金精其山台尽五色金也经丹水而行有洞天从中过在剡临海三县之境】是为金庭洞天晋右军羲之居焉墨池书楼遗雅不絶【金庭洞天台华顶之东门也名山洞天记曰二十七洞曰金庭周围三百里名金庭崇妙之天在剡县唐裴通记曰剡中山水之奇丽金庭洞天也按上清经洞天在天台桐栢山中方四十里其北门在此小香炉峯顶人莫见之又曰晋王右军家于此山书楼墨池旧制仍在南齐道士褚伯玉于此置金庭观乃右军之家也】其南为刻石山山旧有卫夫人碑山之半有巨井井有蛟【南三十里十道志曰一名穿山相传以刻石为名不知文字所在升明末县人倪袭祖行猎见山上有文凡三处苔生其上刮苔视之其大石文曰黄天皇萧字道成得贤师天下太平旧经曰或言卫夫人碑堕此中因以为名唐宝历元年观察使元稹使人访碑不获】然剡山水之奇深重复皆聚乎西其西曰太白山小白山峻极崔巍吐云含景赵广信所仙也双石笋对立如阙有赵广信丹井【广信炼九华丹于此山侧剡水在山之阳】瀑泉怒飞清波崖谷称瀑布岭【岭中产仙茗】宋褚伯玉尝隐兹峰【西六十里夏侯曾先地志曰峻极崔嵬吐云含景与小白山接赵广信于此山炼九华丹真诰曰赵广信阳城人魏末渡江来此山师李一成服炁法又授师左君守元中之道彻视五藏或入城市卖药莫知其年岁后白日升天山有白猿赤獾又有鸟似鸡文彩五色口吐绿绶长数尺号吐绶双石笋各长五六丈对立如阙瀑泉飞下号瀑布岭土人亦称西白山按宋书褚伯玉隐身求志居剡县瀑

布山三十余载扬州辟议曹从事皆不就齐高帝为之筑太平馆华镇瀑布岭诗序曰在嵯县西六十里福善所集蔚有灵气者产仙茗寰宇记曰瀑布岭属余姚盖此山联接余姚县界】在东白山立啸猿亭【仲皎题东白山啸猿亭诗放意在云表飘然更自由挂烟羣木冷啼月一山秋袅袅清风里凄凄碧涧头三声融妙听行客若为愁】又流山轩【仲皎题东白山轩诗竹外泉声急松心月色寒人间推旷絶只自倚栏干】在西白山有一禅师道场二禅师道场【仲皎游西白山一禅师二禅师道场诗胜境东西白高僧一二禅只知行道处不记住山年涧月平分照林花各自妍披云寻旧趾犹在絳峰边】作齐云阁【仲皎题西白山齐云阁诗山云吹断路头开此处疑穿月胁来怪底行人看碧落笑谈容易作风雷】筑庵居【仲皎西白山观雪诗西白名山处那堪踏雪看四围银世界一色玉峰峦夜色和天冷晴晖放月寒溪梅初二着意为渠看又诗啼切孤猿晓更哀柴门半掩白云来山童问我归何晚昨夜梅花一半开又诗无地卓锥生计难且空双手到林间猥随碧水占明月坚打白云賒好山岩石空边依草舍藤萝低处看松關年来老去知何许合向人间占断闲】又为鹿苑山山有葛仙翁祠祠下有二石瓮蹲峙石崖壁立悬瀑十数丈下注石穴汇为龙潭【鹿苑寺西源出水巔二小穴石涌流至葛仙翁祠下出二石瓮间又一里许石崖壁立瀑布十余丈下潴为潭顷岁旱投符潭内水石有声俄顷水尽黑电自潭发雨骤至如响】又西为五龙山又曰鸟猪山重冈复岭峯壑蝉联老木虬松青翳失日水自真如山其来迢迢或奔或汇为灵潭者五龙抱云雨又西北为葛岷山【西北二十里】高僧竺法崇居焉孔淳之访之信宿不去又西曰响岩云雨奋作岩辄有声岩亦有神龙井【县西山有龙潭】石门山【县西山有龙潭下有沸水在溪穴间周二三尺如汤沸滚滚四时不休然水流浑浑不足尚也】贵门山【县西有细岭山有三悬潭山下有普济龙祠给事李易有诗云巘分佳茗风潭矗怪松书疑黄石授税可紫芝供抵玉那惊鹤探珠欲近龙晚来听尽雨乞水濯尘容又军骑侵淮海龙潭路始通云生依宝刹月出现珠宫泻涧泉喷薄衣岩树郁葱神交难独擅吾党契元功又题龙潭壁诗贵门今是鹿门山尽室扶携万壑间流水相随真自悟遥岑一望若为攀风翻竹坞清如洗月过松扉静不關潭底卧龙烦一起正须霖雨济尘寰】其山崖嶂干云峻嶒森错老蝙蝠如鸦乱飞【絶西为仙岩山峭矗峰入天一峰尤卓立其余诸山皆削峻嶒壁立万仞佳木老树阴翳森挺山有石洞有仙人迹可受数人又有三泉迸出石穴不假斤凿浑然天成有龙居之】错老蝙蝠如鸦乱飞【絶西为仙岩山峭矗峰入天一峰尤卓立其余诸山皆削峻嶒壁立万仞佳木老树阴翳森挺山有石洞有仙人迹可受数人又有三泉迸出石穴不假斤凿浑然天成有龙居之】其东北曰了山山有余粮岭【东北十二里有余粮岭产禹余粮又有禹祠】其北有谢岩山【北十五里山有谢仙君祠】康乐所游也山隩深峭被以榛箭有巨涧奔激清湍■〈山上明下〉石映带左右入于溪下为三坠岭下视深川绀碧一色又北曰舜皇山山最崇矗冈岭复深有舜井焉又北曰嶠山两岸峻壁乘高临水深林茂竹表里辉映其间倾涧怀烟泉溪引雾

吹■〈田壘〉风馨触岫延赏【县北四十四里輿地志曰自上虞七十里至溪口从溪口至江上数十里两岸峻壁乘高临水深林茂竹表里辉映名为嵒岫磧瀨迅湍以至剡也水经曰嵒山与岫山接其间倾涧怀烟泉溪引雾吹■〈田壘〉风馨触岫延赏王元琳谓之神明境事见谢康乐山居记水经注曰嵒山山峽壁立临江欹路狭不得并行行者牵木梢进不敢俯视西有一孤峰飞禽罕至山岭顶树下有十二方石池甚光洁尝有采药者说山见通溪至此还复更寻遂迷前路】又北有石床谢灵运所垂钓也其下为剡溪口水深而清曰嵒浦【潘阆晚泊嵒浦寄剡县刘员外赋诗晓泛剡溪水晚见剡溪山徘徊驻行棹待月思再还渔唱深潭上鸟栖高树间应当金石友念我无暂闲】又东北曰车骑山谢玄之居也右瀆长江左傍连山平陵修通澄湖遠镜于江曲起楼楼侧悉是桐梓森耸可爱号桐亭楼【旧经曰晋车骑将军谢玄为会稽内史尝于北山立楼居止后人因以为名水经曰嵒山东北太康湖谢玄旧居右瀆长江左傍连山平陵修通澄湖遠镜于湖曲起楼楼侧悉是桐梓森耸可爱号桐亭楼山中有三精舍高薨凌虚垂檐带空俯眺平林烟杳在下水陆宁晏足为避地之乡江有琵琶圻圻有古塚墮水甃有隐起字云筮吉龟凶八百年落江中谢灵运取甃诣京师咸传观焉旧经引谢灵运经此有诗云曩趾即先筑故池不更穿果木有旧行壤石无遠延按此诗康乐还旧园作赠颜延年自注即始宁园也始宁今上虞县有西庄别墅存焉然旧经载于此未考】

剡以溪有声清川北注下与江接【乐史寰宇记曰在县南一百五十步】其水合山流为溪殆如顾凯之所谓万壑争流者其源有四一自天台山北流会于新昌入于溪一自婺之武义西南流经东阳复东流与北流之水会于南门入于溪其一导鄞之奉化由沙溪西南转北至杜潭入于溪一自台之宁海歷三坑西绕为三十六渡与杜潭会出浦口入于溪合四流为一入于江舒元輿吊溪藤文谓剡溪上绵四五百里则未考也会稽郡记曰会稽境特多名山水潭壑镜澈清流灌注惟剡溪有之王子敬云从山阴道上行山川自相映发使人应接不暇若秋冬之际尤难为怀子敬所云岂惟山阴特剡溪又过耳【元和郡国志曰溪出县西南北流入上虞为江】是溪也朱放谓之剡江诗曰月上沃洲山上人归剡县江边李端谓之戴家溪诗曰戴家溪北住雪后去相寻方干谓之戴湾诗曰戴湾冲瀨片帆风高枕微吟到剡中陆龟蒙谓之剡汀诗曰归鸿吴岛尽残雪剡汀销林槩谓之岫水诗曰溪连岫水兴何尽路接仙源人自迷齐唐谓之戴逵滩诗曰春树深藏嵒浦笛夜猿孤响戴逵滩自上虞江七十里至溪口【輿地记曰上虞七十里至溪口张籍诗所谓春云剡溪口残月镜湖西陆经诗落帆直向剡溪口入境先登天姥山是也】溪口为嵒浦苍崖壁立下束清流深者为渊潭浅者为滩磧有山盘踞下临清深是为长官祠【一曰嵒浦庙】祠下为嵒潭水多巨鱼渔人芦子所藏集【自嵒浦十里至楮树五里至黄沙五里至强口八里至了溪傍为故港八里至浦口四里至竹山五里至吴家庄十里至戴溪亭二十里至蛟井七里至桃源二十里至大明寺二十里至皇觉寺晋王子猷居山阴夜雪初霁四望皓然独酌酒咏左思招隐诗忽忆戴逵逵时在剡

便乘小舟诣之造门不前而返曰本乘兴而行尽兴而返何必见安道耶李太白诗曰试问剡溪道东南皆越乡舟从广陵去水入会稽长杜甫诗剡溪蕴秀异天姥引归帆刘长卿诗曰鸟道通闽岭山光落剡溪朱放诗曰月在沃洲山上人行剡县溪边李端诗曰兴来空忆戴不似剡溪时戴叔伦诗曰心知剡溪路聊且寄前期又曰那能有余兴不作剡溪寻戎昱诗曰心系征帆上随君到剡溪贾岛诗曰何当扫松叶拂石剡溪阴】溪得雨易涨涉晴易涸而为渊潭者辄聚沙成碛为丘衍者又复为大渊渟不止高岸可谷深谷可陵亦几于蓬莱清浅几见桑田矣其曰了溪者推禹功也【东北五里源出了山旧经曰禹凿了溪人方宅土王铨僧湛然了溪诗序曰水逆行谓之浞水今浙江之潮逆行之水也禹因三江入海顺水性自然处以告成功故剡溪谓之了溪】又有东渡西渡南渡【水【经曰江水翼县转注故有东渡西渡焉南渡通临海并泛单船为浮航西渡通东阳并二十五船为桥航王性之有雪后渡西溪诗雪后孤村一段烟晴光远照玉山川酒旗隔步招闲客独上西溪渡口船】其以水利著者曰黄塘【北三里】汉塘【北二十五里】新塘【西三十里】广利塘【西三十里有小池在黄沙与塘相距甚远人言与塘通塘水灌溉或竭而小池水为减塘水采渔或浑则小池水为之浑】其以湖称曰爱湖【南三里】曰东湖西湖【西三十里】东湖弥漫两旁荫以长松殊有爽气

剡録卷二

●钦定四库全书

剡録卷三

（宋）高似孙 撰

○先贤传【谢承作会稽先贤传锺离岫作会稽后贤传今仿此作传唐修晋史凡晋人士奇辞逸语往往刊落知者惜之今取诸晋杂史庶于晋人风度有所载焉】

人士

戴逵字安道谯国人居剡祖硕父绥并有名位逵有清操性高洁不乐当世以琴书自娱善图画巧丹青为文绮藻常以礼度自处深以放达为非年十余岁在瓦官寺画王长史见之曰此童非徒能画亦终当致名恨吾老不见其盛时耳孝武时以散骑侍郎国子博士累召辞父疾不就郡县敦逼不已乃逃于吴会稽内史谢幼度虑其远遁不反上疏请绝其召命帝许之逵还剡召之复不至吴国内史王珣有馆在虎丘山乃潜往珣山中谢玄王珣并表逵焉谢太傅本轻逵见但与论琴书逵既无吝色而谈琴书愈妙谢悠然知其量【晋安帝纪曰逵有清操性甚快畅泰于娱生好鼓琴善属文尤乐游燕常与高门风流者游谈许其通隐屡辞征命遂着高尚之称】逵既厉操东山而其兄逮欲建式遏之功【戴氏谱曰逮字安直谯国人祖硕父绥有名位逮以武勇显有功封广陵侯仕至大司农】谢曰卿兄弟志业何其太殊逮曰下官不堪其忧家弟不改其乐

谢敷字庆绪会稽人澄靖寡欲入太平山十余年以母老还南山若耶中内史郗愔表之征博士不就尝于剡中造风林寺敷崇信释氏以长斋为业初月犯少微少微一名

处士星占者以隐士当之戴安道有美才时人惜之俄而敷死会稽士人嘲曰吴中高士求死不得死

郗超字景兴高平人司空愔之子也少卓犖不羁有旷世度累迁中书郎司徒左长史超每闻欲高尚隐退者辄为办百万资并为造立居宇在剡为戴公起宅甚精整戴始往旧居与所亲书曰近至剡如官舍

谢奕作剡令【中兴书曰谢奕字无奕陈郡夏人祖衡太子少傅父衰吏部尚书奕少有器鉴辟太尉掾剡令累迁豫州刺史】有一老翁犯法谢以醇酒罚之乃至过醉而犹未已太傅时年七八岁着青布袴在兄膝边坐谏曰阿兄老翁可念何可作此奕于是改容曰阿奴欲放去耶遂遣去

李宏度常叹不被遇【中兴书曰李充字宏度江夏鄂人也祖康父矩皆有美名充初辟丞相掾记室参军以贫求剡县迁大著作中书郎】殷扬州知其家贫问君能屈志百里否李答曰北门之叹久已上闻穷猿奔林岂暇择木遂授剡县

戴■〈字父〉字长云安道子也为散骑常侍与颺并高蹈俗外三叶肥遁世称清风家盈素气故使箕颺重辉夷皓迭迹为海内所称焉前后辟命不就【出吴地记】

戴颺字仲若安道子也剡多名山故世居剡下与兄并受琴于父父没所传之声不忍复奏各造新弄兄制五部颺制十五部颺又制长弄一部并传于世桐庐县又多名山复共游之因留居止兄卒颺以桐庐僻远难养疾出居吴下吴下士人共为筑室聚石引水植林开涧乃述庄周大旨逍遥论释礼记中庸篇元嘉中召不就止京口黄鹄山北竹林精舍宋文帝每欲见之常谓黄门侍郎张敷曰吾东巡之日当宴戴公山下也卒年六十四【出沈约宋书】

阮裕字思旷陈留尉氏人祖轺齐国内史父颺汝南太守少有德行【出中兴书】淹通有理识居会稽剡县志尚肥遁【出阮裕别传】在东山萧然无事常内足于怀【出世说】除东阳太守征侍中皆不就有以问王逸少逸少曰此公不惊宠辱虽古之沈冥何以过此刘真长曰我入东正当泊安石渚下耳不敢复近思旷傍在东山终日静默无所修综而物自宗焉卒葬剡山【出晋书】

阮牖字彦伦裕长子仕至州主簿【出阮氏谱】

阮万龄裕之孙少知名家在剡县颇有素情宋永初末自侍中解职东归

王羲之字逸少司徒导从子也家世贫约恬畅乐道未尝以风尘经怀【出王导别传】祖正尚书郎父旷淮南太守元帝之过江也旷创其议羲之有英誉风骨清举【出晋安帝记】高爽有风气不类常流【出宋文帝文章志】朝廷公卿皆奇其才器为右军将军会稽内史初渡浙江便有终焉之志时孙兴公与支道林共载往逸少因论庄子逍遥遊作数千言才藻新奇逸少披襟留连不能已【出世说】慕会稽佳山水名遂居焉剡金庭观称右军故宅有书楼墨池

徽之字子猷羲之子性卓犖不羁【出晋中兴书】为大司马桓温参军温曰卿在

府久此当相断理初不答以手板拄颊云西山朝来致有爽气【出世说】尝居山阴夜雪初霁月色清朗四望皓然独酌酒咏左思招隐忽忆戴逵逵时在剡便夜乘小舟访之经宿方至造门不前而返人问其故徽之曰本乘兴而行尽兴而返何必见安道耶子敬与子猷书道兄萧索寡会遇酒则酣畅忘反乃自可矜

谢玄字幼度与从兄朗俱为叔父安所器重转征西将军苻坚入寇朝廷求文武良将安以玄应举郗超叹曰玄不负所举吾尝见其使才虽履屐间亦得其任于是征拜建武将军监江北诸军事大破苻坚遂经畧旧都加都督七州会翟辽张愿叛玄上疏送节尽求解所职又以疾辞授散骑常侍会稽内史玄輿疾之郡居嶠山东北太康湖江曲起楼楼侧桐梓森挺又号桐亭【出郗道元水经注】卒葬始宁有文集十卷三子曜宏微皆歷显位

王洽字敬和导诸子中最知名与荀羨俱有美称歷散骑中书郎又加中书令穆帝诏书称其清裁尝游剡【出白居易沃洲记】

刘恢字道生沛国人识局明济有文武才王蒙每称其思理淹通蕃屏高选为车骑司马年三十六卒赠前将军【出宋明帝文字志】尝入剡【出沃洲记】

许询字符度高阳人有才藻善属文【出续晋阳秋】与孙兴公皆一时名流【出世说】俱有负俗之谈卒不降志【出文章志】能清言于时人士皆钦慕仰爱之【出晋中兴书】刘尹云清风朗月辄思元度【出世说】父旻晋元帝渡江迁会稽内史因居焉【许氏谱曰元度母华轶女】询隐不仕召为朝议郎不就筑室永兴县西山萧然自致乃号其岫曰萧然山【杨巨源诗许询本爱交禅侣陈实由来是好儿耿纬诗许询清论重寂寞住山阴野客接寒寺闲门当古林海日秋熟早湖水晚渔深世上穷通理谁能奈此心】入剡山莫知所止或以为升仙【出晋中兴书】

殷融陈郡人歷太常吏部尚书仲堪其子也有才操仲堪子旷之为剡令有父风时融病虚悸闻床下蚁斗谓是牛斗曾游剡【出沃洲记】

孙绰字兴公家会稽博涉经史【出文章志】与兄统为文选言简章清绮絶伦【出续文章志】绰游放山水十有余年作遂初赋以致其意游剡中【出沃洲记】

王蒙字仲祖太原晋阳人蒙神气清超放迈不羣检尚雅正外絶荣竞辟司徒掾中书郎【出王长史别传】尝游剡焉

何充字次道庐江人思韵淹通有文章才情累迁会稽内史侍中扬州刺史【出晋阳秋】尝入剡【出沃洲记】

王坦之字文度述之子与郗超俱有重名歷散骑常侍大司马尝游剡【出沃洲记】临死与谢安桓冲书不及私唯忧国家事

谢朗字长度安次兄据之长子文义艷发名亚于玄仕至东阳太守【出晋阳秋】尝至剡中【出沃洲记】谢太傅寒雪内集俄而雪骤公欣然曰白雪纷纷何所似兄子胡儿曰【胡儿朗小字也】撒盐空中差可拟兄女曰未若柳絮因风起公大笑乐兄女

即大兄无奕女左将军王凝之妻也【妇人集曰道蕴有文才所著诗赋诔颂传于世】

袁宏字彦伯陈郡人谢安赏宏机捷辩速自吏部郎出为东阳郡祖于冶亭时贤皆集安欲卒迫试之执手将别顾左右取一扇而赠之宏应声答曰辄当奉扬仁风慰彼黎庶合坐叹其要捷【出晋阳秋】尝入剡【出沃洲记】彪有逸才文章绝丽曾为咏史诗是其风情所寄

王修字敬仁太原晋阳人父仲祖也修明秀有美称为著作佐郎琅琊王文学转中军司马未拜而卒时年二十四王弼之没与修同年修弟熙叹曰无愧于古人而年与之齐也曾入剡【出沃洲记】

谢万字万石太傅安弟也才气高俊蚤知名历吏部中郎将豫州刺史散骑常侍【出中兴书】尝入剡【出沃洲记】万善属文能谈论为八贤论谓渔父屈原季主贾谊楚老龚胜孙登嵇康也【出中兴书】

蔡系字子叔济阳人司徒谟第二子有文理仕至抚军长史【出晋中兴书】尝曰韩康伯虽无骨干亦自肤立尝入剡【出沃洲记】

孔淳之字彦深鲁人少有高尚居剡性好山水每有所游必穷幽峻或旬日忘归尝遇桑门披衿领契自以为得意之交【出王智深宋记】与戴颙王宏之敬宏等共为人外之游会稽太守谢方明苦要之不能致使谓曰苟不入吾郡何为入吾郭淳之笑曰潜游者不识其水巢栖者不辨其林飞沈所至何问其主终不肯往茅室蓬户庭草芜径唯床上有数帙书【出沈约宋书】元嘉初征为散骑侍郎乃逃于上虞界中家人莫知所在

谢灵运陈郡阳夏人移籍会稽幼聪慧善属文举笔立成文章之盛独绝当时【出文选人名录】袭封康乐迁秘书丞出为临海太守及经山阴防御【出元嘉起居注】郡有名山水灵运素所爱好遂肆意游遨父祖并葬始宁有宅墅修营旧业傍山带江尽幽居之美尝入剡有诗曰旦发清溪阴暝投剡中宿

孔稚珪字德璋山阴人早立名誉风韵清疏好文咏当时名士陆慧晓谢淪张融何点沈渊相与为君子之交盛营山水不乐世务征侍中不行又拜詹事尝入剡从褚伯玉授道伯玉死稚珪为于太平馆立碑

张嵎稷之子稷初为剡令至嵎亭生子因名嵎字四山嵎雅有志操能清言起家秘书郎累迁湘东王长史王暇日元言因为之筮得节卦谓嵎曰卿后当东入为郡恐不得终嵎曰贵得其所耳还为大府卿吴兴太守侯景围建邺率兵赴援授嵎征东将军嵎曰天子蒙尘何情复受荣号贼行台刘神茂攻破义兴遣使说嵎嵎斩其使遣军破神茂侯景遣其中军侯子鉴助神茂击嵎军败死节元帝追赠侍中开府仪同三司谥忠贞

朱士明剡人齐举茂才梁天监初授儒林博士除吏部尚书封汉昌侯

贺知章字季真越永兴人性旷夷姑子陆象先曰季真清谭风流一日不见则鄙吝生矣肃宗为太子迁宾客拜秘书监知章晚节诞放号四明狂客秘书外监天宝初病梦

遊帝居請為道士還鄉以宅為千秋觀帝賦詩乞鏡湖剡川一曲賜之

秦系字公緒越州會稽人有詩名天寶間避地剡川作兩句亭郡守改其居曰秦君里【出秦隱君詩序】北都留守薛兼訓奏為右衛率府倉曹參軍不就建中初結廬于泉南九日山穴石為研注老子【系詩曰終當避世喧自注五千言】刺史薛播數往見之張建封聞不可致請就加校書郎【系寄建封詩曰少是烟霞客潭深得釣魚不知芸閣上還校幾多書】姜公輔以言忤德宗為州別駕筑室鄰系而居焉貞元七年東度秣陵年八十餘泉南人思之號其山為高士峯有詩一卷

李紳字公垂中書令李敬元孫少孤游剡上龍宮寺老僧修真曰後當領鎮此道幸願建飾吾寺【出紳所作龍宮寺碑】

踰二紀紳自宣武節度歷左散騎越州刺史仍一新舊遊之地賦詩以紀其事又刻碑齊抗字遐舉定州義豐人拜中書門下平章事昔遊越鄉閱翫山水者垂三十載初栖于剡嶺後遷于玉笥自解辟此山末二紀而登台鉉【出陳諫登石傘峯詩序似孫喜藏齊相拜平章時誥】

孝行

齊公孫僧達剡人也治父喪至孝事母及伯父謹節名聞郡縣建元三年表列僧達等二十三人詔表閭闔賦

齊韓靈敏剡人早孤與兄靈珍并有孝性母亡無以營奉共種瓜半畝朝采瓜子暮已復生遂辦葬焉會靈珍亡無子有妻守節靈敏事之如母

剡縣小兒年八歲與母俱病赤斑母死家人不令兒知兒疑問之曰母嘗數問我病今不復問何也因自投床扶匍至母尸側頓絕而死

陳王知元居剡丁父喪哀毀卒高宗改孝家里

鄭僧保剡人居父母喪廬墓側十載芝草生于墓甘露降松柏

列女

公孫夫人姓公孫氏會稽剡人資三靈之淳懿誕華宗之澄粹竒朗照于韶亂四教成于弱笄慈恩溫恭行有秋霜之潔祇心制節性同青春之和敦悅憲章動遵規禮居室則道齊師氏有行則德配女儀礼服有盈筓豆無闕贊曰猗欤夫人天姿特挺行高冰潔操與霜整性揚蘭芳德振玉穎猗彼瑯林竒翰有集展彼碩媛含德來緝動與禮游靜以義立【出晉滔鈕母孫氏所作序贊】

仙道

劉晨阮肇剡縣人漢明帝永平十五年采藥于天台山望山頭有一桃樹取食之又流水中有胡麻飯屑二人相謂曰去人不遠因過水深四尺許行一里又度一山出大溪見二女顏容絕妙便喚劉阮姓名問郎來何晚也館服精華東西帷幔寶絡左右盡青衣下胡麻飯山羊脯設甘酒歌調作樂日暮止宿住半年天氣和適常如二三月鳥鳴悲慘求歸甚切女喚諸仙女歌吹送還鄉鄉中怪異驗得七代子孫傳聞祖翁入山不知何在

太康八年失二公所在【剡有桃源在县三里旧经曰刘阮入天台遇仙此其居也林槩越中诗绣被歌残人竟逐桃花源静客忘归】

葛洪字稚川仙翁从孙好神仙导养仙翁以丹授弟子郑君稚川就郑君得之咸和初选散骑常侍辞以交址出丹砂求为勾漏令鍊丹罗浮山卒年八十一颜如玉体柔软举尸入棺但遗空衣上虞兰芎山稚川所栖也【出舆地志卢纶诗城阙望烟霞常悲仙路踪宁知樵子径得到葛洪家曹唐诗最爱葛洪寻药处露花玉蕊满山春】剡有仙翁丹井石梯钓鱼台稚川亦至焉

褚伯玉字符璩钱塘人少有隐操年十八父为之婚妇入前门伯玉出自后门往居剡瀑布山隔绝人物王僧达为吴郡宁朔将军丘弥孙与僧达书曰褚先生灭影云栖抗高木食非折节好士何以致之【出萧子显齐书】以礼招致伯玉不得已停郡信宿纔交数言而退宋孝建二年召聘不就齐高帝即位手诏吴会二郡以礼迎遣辞疾而归敕于剡白石山立太平馆舍之孔稚珪从其授道为于馆立碑卒年八十六常居一楼仍葬楼所

赵广信阳城人魏末入剡小白山受李成服炁法又受师左君守元中之道内见五藏彻视法七八十年卖药人间作九华丹或曰白日登天山中有赵广信丹井

孙韬字文藏会稽剡人入山师潘四明参受真法陶隐居手为题握中秘诀门人罕能见唯传韬与相闾二人【出真诰】

顾欢字景怡隐剡山好服食弟子鲍灵缓门前树六十围精怪数见欢叩树即枯山阴白石村多邪病为讲老子皆愈又有病邪者欢问其家有孝经否欢令取仲尼居一章置枕边而愈齐高帝辅政征扬州主簿践祚乃至称山谷臣进政纲一卷优诏称美东归赐麈尾素琴【上虞江岸有顾墅俗传顾欢问学之所】

吴筠字贞节华阴人通经谊美文辞举进士不中去居南阳山天宝初召至京师南游天台观沧海与有名士相娱乐文辞传京师明皇遣使召见大同殿与语甚悦勅待诏翰林献元纲三篇帝尝问道对曰深于道者无如老子五千言复问神仙冶炼法对曰此野人事积岁月求之非人主宜留意未几渔阳事作乃复东入会稽剡中

高僧

白道猷罗汉僧来自西天竺居沃洲山【白居易沃洲山记曰道猷肇开兹山】竺道壹在若耶山道猷以诗寄之【连峯数十里修林带平津茅茨隐不见鸡鸣知有人闲步践其径处处见遗薪始知百世下犹有上皇民开此无事迹以待竦俗宾长啸自林际归此保天真壹得诗欣然往访之上虞有白道猷岭尝结庵于此江公尧诗好是道人岩畔月夜深清照饮猿溪】天台山水清险前有石桥径不盈尺长数十丈下临绝冥忘其身然后能济师梯岩壁打萝葛前山蔚然绮秀双岭入天有琼台玉阁道猷过此获紫芝灵药【出启蒙记注】

竺潜字法深隐剡山学义渊博名声早着宏道法师也【出庾法畅人物论】晋哀

帝两使礼致之既至简文尤师敬刘惔嘲之曰道人亦游朱门乎潜曰君自见朱门贫道以为蓬户耳还山支遁求买沃洲小岭潜公曰欲来当给不闻巢由买山隐也遁得深公之言惭德而已【世说作因人就深公买■〈山印〉山旧经曰东■〈山印〉山在新昌县东四十里石林避暑录曰高僧传畧载孙绰道贤论以当时七僧比七贤竺法护比山巨源帛法祖比嵇叔夜竺法乘比王浚冲竺法深比刘伯伦支道林比向子期竺法兰比阮嗣宗于道邃比阮仲容各以名迹相类者为配惜不见全文世说晋人本超逸更能以佛理佐之宜其高胜不凡但恨是时未有经文传者亦未广犹以老庄为宗竺法深贤于王氏诸人远矣即支遁求买沃洲报曰未闻巢由买山而隐者遁犹输此一着想见其人物也皇甫冉诗高人本姓竺开士旧名林一入春山里千峰不可寻秦系诗松间倪许幽人住更不将钱买沃洲栖台诗荒斋增暑梦数夕罢冥搜南海高僧问西园独鹤愁生黄竹晚吟断碧云秋共是忘机者何当卧沃洲清昼诗忆君南适越不作买山期刘长卿诗沃洲能共隐不用道林钱】

支遁字道林【高逸沙门传曰遁姓关氏河内林虑人或曰陈留人】神心警悟清识玄理任心独往风期高亮沈思道行冷然独畅【出支遁别传】又幼有神理聪明透澈【出支遁传】王蒙重之曰造微之功不减辅嗣羲之在会稽与交往灵嘉寺入沃洲小岭建精舍【卢象诗元度常称支道林高人隐处白云深一去人间长不见千峯万壑树森森】至山阴讲维摩许询为都讲宾主之辩相寻无穷【世说曰诸人士及林法师在会稽西寺讲王荀子在焉许掾使往西寺与王论理共决优劣】又在白马寺中将冯太常共语逍遥支卓然标致理于二家之表【冯氏谱曰冯怀长乐人歷太常护军将陆龟蒙诗何时更问逍遥义五粒松阴拂石床注曰道林有逍遥义】有遗马者受之曰吾爱其神骏【山有放马坡在县东三十里】有饷鹤者曰凌霄之姿何肯与人作耳目近玩养翻成使飞去【世说曰支公好鹤在■〈山印〉山有放鹤峯】每名辰至余姚坞曰昔来就见安石辄移旬日今触情是愁耳歿葬坞中【有文集八卷旧经曰坞在余姚县西南十二里僧史曰遁经余姚坞信宿弥日不去或问其意曰若安石相从未尝不移旬今触目是愁耳乃移坞中永和元年闰四月四日没葬坞中世说曰墓在石城戴安道过其墓叹曰德音未远而拱木已积盖神理绵绵不与气运俱尽耳出建康实录集中有即色谕高妙】

干兴渊支道开威蕴密实光识斐藏济度逞印【自威至印一字为一僧与白道猷竺法潜支道林干兴渊支道开凡十八僧皆居沃洲山出沃洲山记】

支昙兰晋太元中游剡县后憩赤城【高僧传】

竺昙猷炖煌人少苦行习结禅定游江左止剡之石城山有神现形诣猷曰师威德既重来止此山弟子辄推室相奉天台山悬嵯峻峙峯岭侵天上有释舍得道者居之有石桥跨涧而横石断之自终古以来无得至者猷行至桥所闻空中声曰知君诚笃今来相度后十日当得住此矣

竺法崇有律学精法华经居剡葛岷山茅茨涧饮孔淳之访之信宿不去神思倾豁
昙斐会稽剡人弃家事慧基善庄老儒墨之书考究经典疑义还居法华台寺衡阳
孝王元简庐江阿师事之张融周颙从其遊

僧护会稽剡人住石城山隐岳寺寺北有青壁千余尺护每至其下辄闻管弦声或
发光怪即发誓就壁镌十丈佛像齐建武中用工经年纔成面像俄卧疾临终誓曰再生
当就吾志

僧佑剡人作石像佑授其準式先是建安王闻僧护所造石像上奏诏佑董其事天
监五十年成旧说佑护前身也

灵澈字澄源会稽汤氏子风仪甚雅谈笑多味虽受经论心好篇章【出刘禹锡诗
序】语甚平易如不出常境而诸生思虑终不可至【出权德輿送行序】从严维学诗
抵吴兴与皎然游后自庐山入剡归沃洲

剡録卷三

●钦定四库全书

剡録卷四

（宋）高似孙 撰

○古竒迹

舜井

井二在舜皇山井中有虵生角今为沙土所翳朱庆余舜井诗碧甃磷磷不记年青
萝鑱在小山巔向来不视千寻水疑若苍梧万里天

禹岭

禹余粮岭在了山山下为了溪王铨序言禹治水止于此山中产药称禹余粮盖余
食所化近有甌山谓尝炊于此张华博物志曰禹治水弃余食于江为禹余粮李羣玉诗
曰涧有尧时韭山余禹伏粮

亚父石迹

亚父山在礼义乡昔山中老农遇神人曰吾亚父也当宅兹山明日见崖石中有足
迹甚大【亚父事出神异经】

阮公故居

县之南有阮公庙即故居也王梅溪诗再入山中去烟霞锁翠微故乡遗宅在何日
更来归

杨黄门埭亭

水经曰吴黄门郎黄哀明居嵯县宏训里开渎作埭埭之西作亭

戴安道宅

戴公宅在剡桃源乡宋景文公诗舟来戴公宅客过孝王家乡有戴村村多戴姓者
郗超每闻欲高尚隐退者辄为办百万资并为造立屋宇在剡为逵起宅甚精整戴始往

与所亲书曰近至剡如官舍【王徽之居山阴夜雪初霁月色清朗四望皓然独酌酒咏左思招隐诗忽忆戴逵逵时在剡便夜乘小船诣之经宿方至造门不前而反人问其故徽之曰本乘兴而行尽兴而返何必见安道耶李白雪诗兴从剡溪起思绕梁山发孟浩然诗闲垂太公钓兴发子猷船陆龟蒙诗访戴客愁随水远浣沙人泣共溪深项斯寄剡中友诗山晚迴寻萧寺宿雪寒谁与戴家期李端诗戴家溪北住雪后去相寻骆宾王雪诗高人傥有访兴尽讵须回方干雪诗此时行径无人迹唯望徽之问寂寥罗隐诗笑杀山阴雪中客等闲乘兴又空回郎士元诗或在醉中逢雪夜怀贤应向剡川遊姚勔诗往时徽之访安道剡溪扁舟夜独乘杨蟠诗长爱剡溪堪发兴雪中曾棹子猷船】

戴公山

山在忠节乡今属金庭观可二百亩山中多茂林丛竹又有清流激湍林岬苍石互相映带山之巔有龙湫

阮光禄东山

阮裕别传曰裕居会稽剡山志存肥遁世说曰阮光禄在东山萧然无事内足于怀王右军书楼墨池

金庭观有书楼墨池裴通为之记裴通诗寂寂金庭洞清香发桂枝鱼吞左慈钓鹅踏右军池杨蟠有墨池怀古诗空山寂寞人何在一水泓澄墨尚新

谢车骑桐亭

酈道元水经曰嵎山东北太康湖晋车骑将军谢玄旧居所在右滨长江左傍连山陵平修通澄湖遠镜于江曲起楼楼侧悉是桐梓森耸可爱民居号为桐亭楼两面临江尽升眺之处芦人渔子泛滥满焉湖中筑路东出趋山路甚平直山有三精舍高薨凌虚垂檐带空俯眺平湖杳然在下江有琵琶圻临江有石床名钓鱼台【张籍诗见说孤帆去东南到会稽春云剡溪口残月镜湖西水鹤沙边立山鷓竹里啼谢家曾住处烟洞入应迷】

谢车骑坐石

石在宝积山石磊磊迭迭如棱如凿水经曰树下有十二方石地甚方洁

葛仙翁钓台

皇觉寺有钓台又有石梯絶为竒怪石上有钓车痕甚分明

白道猷涤巾涧

证道寺涧中有道猷涤巾旧迹水痕如白氎状

赵公岛

谢岩之北通赵公岛赵公者晋怀帝时太常乐工也永嘉二年石勒乱赵公二十四人隐于剡之山岛王公嵎山赋曰■〈恠，山代卜〉径森林北倚赵公之岛■〈恠，山代卜〉径在谢岩北

晋武肃王古迹

晋武肃王尝到嶠山下于舟中看其峩峩叹其异境驻舟赋诗

嶠娘宅梁诏亭

萧衍经嶠山于嶠家娘子为婚后别嶠娘入齐南面发诏征之山上有宣诏亭王公嶠山赋曰梁王别室归建业以登天又曰皇书亭畔又看麋滞之踪

谢康乐石床

嶠山下有石床康乐尝垂钓于此出旧经石下旧有古人姓名

谢岩弹石

县北十五里有谢岩灵运游此四顾放弹丸落处为祠有大石如弹丸王公嶠山赋曰灵运弹飞岩嶂慕此堪栖

谢公宿处

李白诗谢公宿处今尚在绿水荡漾青猿啼康乐有乡谢有乡谢公所历也李嘉佑诗缘塘剡溪路映竹五湖村王谢登临处依依今尚存陈充诗雨里落帆游谢乡寒声古木共荒凉又有谢岩亦所至

王谢饮水

世传王谢诸人雪后泛舟至此徘徊不能去曰虽寒强饮一口在县北二十里

赵广信井洞

西太白山山有广信丹井又有洞石脊起如屋可容数人

褚伯玉隐居

西太白山山有瀑泉宋书曰伯玉隐身求志居剡县瀑布山伯玉常居一楼卒葬楼所

褚伯玉太平馆

齐高帝即位诏吴会二郡以礼迎遣辞疾而归诏于剡白石山立太平馆舍之

秦处士丽句亭

系天宝间避地剡川作丽句亭郡守改其居曰秦君里大历五年邺守薛公仆射奏为右卫率府仓曹参军系作诗辞之自谓系家于剡山向盈一纪【其诗曰由来那敢议轻肥散髮行调自采薇逋客未能忘野兴辟书翻遣脱荷衣家中匹妇空相笑池上羣鸥尽欲飞更乞大贤容小隐益看愚谷有光辉】又有山中寄张正则评事诗【终年常避喧师事五千言流水闲过院春风与闭门山容邀上客桂实落华轩莫强教余起微官不足论正系辞辟之时也】又有耶溪旧居有将移耶溪旧居留赠严维秘书诗【鸡犬渔舟里长谣任兴行同邀落日醉已被远山迎书屐将非重荷衣着甚轻谢生无个事忽起为苍生】又有会稽山居寄薛播侍郎袁高给事高参舍人诗【稷卨今为相明君复是尧宁知买臣困犹负会稽樵当在耶溪旧居作也】又有谢徐侍郎同诸诗客访会稽山居诗【忽道仙翁至幽人学拜迎华簪窥瓮牖珍味代藜羹洗砚鱼仍戏移罇鸟不惊华亭攀叙却会此越中营】温庭筠宿秦生山斋诗【幽居路不通结室在东峯岁晚得支

遁夜寒逢戴颙龕灯落叶寺山雪隔林钟行解无由发曹溪欲施春】戴叔伦酬秦征君徐少府春日见寄【终日媿无状与君聊散襟城根山半腹亭影水中心朗咏竹窓静野情花径深那能有余兴不作剡溪寻】

王翁信旧居

皇甫冉送王翁信还剡中旧居诗【海岸耕残雪溪沙钓夕阳家中何所有春草渐看长】

王公别业【王公当是前诗王翁信也】

皇甫冉送王公还剡中别业诗【不见關山去何时到剡中已闻成树木更道长儿童篱落云常聚村墟水自通朝朝呼野渡向晚对清风】

袁稠家林

李端寄稠诗【花洞满沉沉仙坛隔杏林漱泉春谷冷捣药夜窓深石上开仙酌松间对玉琴戴家溪北住雪后去相寻】

吴处士溪屿

贾岛忆吴处士诗【半夜长安雨灯前越客吟孤舟行一月万水与千岑岛屿夏云起汀洲芳草深何当折松叶拂石剡溪阴】

独孤处士山居

栖白寄独孤处士诗【林下别多年相逢事渺然扁舟浙水上轻策剡山前坐石吟杉月眠云忆岛仙何期归太白伴我雪中禅】

唐氏溪阁

赵湘剡中唐郎中所居诗【古柳垂溪水当门系雪舟开门延白鸟扫树带清秋阁上看华顶窓中见沃洲寻常投刺少来即是诗流】

○古阡

汉朱买臣墓

县北六里有石羊买臣吴人墓在剡可疑然暨阳有买臣书堂及祠

阮裕墓

县东九里

山桐公墓

县东故港有高冢世传谢氏祖墓

戴颙墓

县北一里王僧虔吴郡记曰颙死葬剡中有后人所立石表梅圣俞寄剡县主簿诗应识道旁碑因风奠醪醴王梅溪诗千年戴颙墓三字道旁碑绍兴二年宰范仲将为作享堂于墓下堂今不存嘉泰三年四明楼钥为书本传立碑于道左嘉定八年令史安之重建墓亭以修时祀及于亭左右绘剡中先贤像

王右军

墓去县东孝嘉乡五十里

剡録卷四

●钦定四库全书

剡録卷五

（宋）高似孙 撰

○书

戴逵五经大义三卷 戴逵老子音一卷

戴逵纂要一卷 戴逵竹林七贤论

戴逵集十卷 戴逵别传一卷

戴颙中庸传一卷 戴颙月令章句十二卷

戴颙逍遥论 戴氏琴谱四卷

戴氏谱一卷 阮裕别传一卷

阮氏谱一卷 王羲之集九卷

王羲之别传一卷 王氏世家五卷

王氏家牒十五卷 王氏家谱二十卷

谢玄集十卷 谢氏家谱一卷

孙绰集十五卷 许询集三卷

支遁集八卷 支遁传一卷

支遁经论三卷 秦系注老子一卷

吴筠元纲一卷 秦系诗一卷

灵澈诗十卷 郑言平剡録一卷

谢灵运集十五卷 谢灵运七集十卷

谢灵运赋九十二卷 谢灵运连珠集五卷

谢灵运集钞十卷 谢灵运集诗五卷

谢灵运诗英九卷 谢灵运游山志一卷

谢灵运山居志一卷 顾欢政纲一卷

葛仙翁别传一卷 葛仙翁神仙传十卷

○文

遗支遁书

支遁还吴住支山寺晚欲入剡谢安为吴兴与遁书曰思君日积计辰倾迟知欲还剡自治甚以怅然人生如寄耳顷风流得意之事殆为都尽终日戚戚触事惆怅唯迟君来以晤言销之一日当千载耳此多山水山县闲静差可养疾事不异剡而医药不同思必此縁副其积想也【高僧传】

申三复赞 戴逵

【安道文章世岂复可见今得六篇】

嗜好深则天机浅名利集则纯白离如此故识鉴逾昏骄淫弥汰心与慎乖则理与险会然后役智以御险履险以逃害故阴阳寇其内人力攻其外阴阳结则金石为之消人事至则虽智不足頼若然者虽翠幄华堂焉得而康之列鼎重味焉得而尝之

闲遊赞序 戴逵

神人在上辅其天理知溟海之禽不以笼樊服养栝散之质不以斧斤致用故能树之于广漠栖之于江湖载之以大猷覆之以元风使夫淳朴之心静一之性咸得就山泽乐闲旷箕岭之下始有闲游之人焉降及黄绮逮于台尚莫不有以保其太和肆其天真者也且夫岩岭高则云霞之气鲜林藪深则萧瑟之音清其可以藻元莹素全其皓然者舍是焉由故虽援世之彦翼教之杰效舞雩以发咏闻乘桴而慄厉况乎道乖方内体絶风尘理楫长谢歌凤逡巡荡八紘于元流澄云崖而怡神者哉然如山林之客非徒逃人患避争门諒所以翼顺资和涤除机心容养淳淑而自适者尔凡物莫不以适为得以足为至彼闲游者奚往而不适奚待而不足故荫映岩流之际偃息琴书之侧寄心松竹取乐鱼鸟则澹泊之愿于是毕矣然竒趣难均元契罕遇终古皆孤栖于一岩独玩于一流苟有情而未忘有感而无对则辍斤寝弦之叹固以幽结于林中骤感于遐心为日久矣我故遂求方外之美畧举养和之具为杂赞八首畅其所托始欣闲遊之暇逸终感嘉契之难会以广一往之咏以抒幽人之心云尔

赞 戴逵

茫茫草昧绵邈元世三极未鼓天人无际万器既判灵朴乃翳实有神宰忘怀司契冥外旁通潜感莫滞总顺巢高兼应夷惠緬矣遐心超哉絶步顾揖百王仰怡泰素矜其天真外其器务详观羣品驰神万虑谁能高映悠然一悟

尚长赞 戴逵

尚叟冲顺庸行昏世和同婉约元识罔滞瞻彼崇高俄为尘翳亦有同好潜心宿契超超增翥眇眇偕逝絶迹青崖影灭云际

酒赞 戴逵

醇醪之兴与理不乖古人既陶至乐乃开有客乘之隗若山颓

山赞 戴逵

蔚矣名山亭亭洪秀并基二仪峣嶠云构嵯峨积岵寥笼虚岫轻霞仰拂神泉旁漱曰仁奚乐希静比寿

松竹赞

猗欤松竹独蔚山皋肃肃修竿森森长条

褚先生伯玉碑 孔德璋

【先生筑馆金庭观萧子显齐书曰伯玉隐剡之瀑布山】

河洛摛宝神道之功可传嵩华吐秘仙灵之迹可观盖事详于玉牒理焕于金符虽

冥默难源显晦异轨测心观古可得而言焉是以子晋笙歌驭凤于天海王乔云举控鹤于元都亦有羽蜕蝉蠲影遁形销神翥帝宫迹留剑杖遊瑶池而不返宴元圃以忘归永嘉恶道者穷天地之险也欹窞遏日折石横波飞浪突云奔湍急箭先生攀途跻阻宿柩涉折而冲飈夜鼓山洪暴激忽乃崩舟坠壑一裂十仞飘地沦篙翻透无底徒侣判其冰碎舟子悲其霰散危魂中夜赴阻相寻方见先生恬然安席铭曰

关西升妙洛右飞英凤吹金阙箫歌玉京絶封万古乃既先生先生浩浩唯神其道泉石依情烟霞入抱秘影穷岫孤栖幽草心图上玄志通大造

金庭馆碑 沈约

生灵为贵有识斯同道天云及【疑有字误】终天莫及故仙学之秘上圣攸尊启玉笈之幽文贻金坛之妙诀驻景蒙谷还光上枝吐吸烟霞变炼丹液出没无方升降自巳下栖洞室上宾羣帝覩灵岳之骤启见沧波之屡竭望元州而骏驱指蓬山而永鹜芝盖三重驾蟠龙之蜿蜒云车万乘载旗旆之逶迤此盖栖灵五岳来暨夫三清者也若夫上玄奥遠言象斯絶金简玉字之书元霜绛雪之宝俗士所不能窥学徒不敢轻慕且禁誓严重志业艰劬自非天稟上才未易可拟自惟凡劣识鉴鲜方徒抱出俗之愿而无致遠之力早尚幽栖屏弃情累留爱岩壑记分鱼鸟涂逾遠而靡倦年既老而不衰高宗明皇帝以上圣之德结宗元之念忘其菲薄曲赐提引末自夏汭固乞还山权憇汝南县境固非息心之地圣王纘歷复蒙縈维永泰元年方遂初愿遂遠出天台定居兹岭所憇之山实惟桐栢实灵圣之下都五县之余地仰出星河上参倒景高崕万沓邃涧千回因高建坛凭岩考室飭降神之宇置朝礼之地桐栢所在厥号金庭事昷灵图因以名馆圣上曲降幽情留信弥密置道士十人用祈嘉祉越以不才首膺斯任永弃人羣窳景穷麓结息志于元都望霄容于云路仰宣国灵介兹景福延吉祥于清庙纳万寿于神躬又愿道无不怀泽无不至幽荒屈膝戎貊稽顙息鼓辍烽守在海外因此自勉兼遂微诚日夕勤劬自强不已翹心属念晚卧晨兴殫正阳于停午念孔神于中夜将三芝而延伫飞九丹而宴息乘鳧轻举留舄忘归以兹丹款表之元极无曰在上日鉴非遠铭石灵馆以旌厥心其辞曰

道无不在若存若亡于惟上学理妙羣方用之日损言则非常儵焉灵化羽变蜕裳九重峣■〈山上兀下〉三山璀璨日为车马芝成宫观虹旒拂月龙辔渐汉万春方华千龄始旦伊余菲薄窃慕隐沦寻师请道结友问津东探震泽西遊汉濱依稀灵眷髣髴幽人帝明绍歷惟皇纂位属心鼎湖脱屣神器降命凡尘仰祈灵秘瞻彼高山兴言覆墳启基桐栢厥号金庭乔峰回峭擘汉分星临云置墀驾岳开棖■〈谷间〉涂蹇产林折葱青谁谓应遠神道微密庆集宫闈祥流罕毕其久如地其恒如日寿同南山与天无卒更生变练外示无功少君飞转密与神通因资假力轻举腾空庶憑嘉佑永济微穷

金庭观晋右军书楼墨池记 裴通

越中山水奇丽刻为最剡中山水奇丽金庭洞天为最洞在县东南循山趾右去凡

七十里得小香炉峰峰则洞天北门也谷抱山斗云重烟峦回互万变清和一口气光照夜而常昼水色含空而无底此地何事常闻异香有时值人从古不死真天下绝境也有晋代六龙失驭五马渡江中朝衣冠尽寄南国是以琅琊王羲之领右军将军家于此山书楼墨池旧制犹在至南齐永元三年道士褚伯玉仍思幽绝勤求上元启高宗明皇帝于此山置金庭观正当右军之家书楼在观之西北维一间而四徘徊高可二丈墨池在殿之东北维方而斜广轮可五十尺池楼相去东西计之纔可五十余步虽形状卑小不足以壮其瞻翫而泰俭有守斯可以示于将来况乎处所遐深风景秀异契逍遥之至理阅鸾鹤之参差其金庭洞天即道门所谓赤城丹霞第六洞天者也按上清经洞天在天台桐栢山中辟方四十里北门在小香炉峯顶人莫得见之樵夫往往见之者或志之以奇花异草还报乡里与乡里同往则失其所志也过此峰东南三十余里石窦呀为洞门即洞天之便门也人入之者必赢粮秉烛结伴而往约行一百里二百里多为流水淤泥所阻而返莫臻其极也通以元和二年三月与二三道友裹足而遊登书楼临墨池但见其山水之异也其险如崩其耸如腾其引如肱其多如朋不四三层而谓天可升经再而还以书楼阙坏墨池荒毁语于邑宰王公王公瞿然征王氏子孙之在者理荒补阙使其不朽即事题兹实录而已

沃洲山禅院记 白居易

沃洲山在剡县南三十里禅院在沃洲山之阳天姥岑之阴南对天台而华顶赤城列焉北对四明而金庭石鼓介焉西北有支遁岭而养马坡放鹤峯次焉东南有石桥溪溪出天台石桥因名焉其余卑岩小泉如子孙之从父祖者不可胜数东南山水越为首剡为面沃洲天姥为眉目夫有非常之境然后有非常之人栖焉晋宋以来因山洞开厥初有罗汉僧西天竺人白道猷居焉次有高僧竺法潜支道林居焉次又有干兴渊支道开威蕴密实光识斐藏济度逞印凡十八僧居焉高士名人有戴逵王洽刘恢许元度殷融郗超孙绰桓彦表王敬之何次道王文度谢长霞袁彦伯王蒙卫玠谢万石蔡叔子王羲之凡十八人或遊焉或止焉故道猷诗云连峰数千里修林带平津茅茨隐不见鸡鸣知有人谢灵运诗云暝投剡中宿明登天姥岑高高入云霓安期还可寻蓋人与山相得于一时也自齐至唐兹山寢荒灵境寂寥罕有人遊故辞人朱放诗云月在沃洲山上人归剡县江边刘长卿诗云何人住沃洲此皆爱而不到者也大和二年春有头陀僧白寂然来遊兹山见道猷支竺遗迹泉石尽在依然如归故乡恋不能去时浙东廉使元相国闻之始为卜筑次廉使陆君中丞知之助其缮完三年而禅院成五年而佛事立正殿若干间斋堂若干间僧舍若干间夏腊之僧岁不下八九十安居遊观之外日与寂然讨论心要振起禅风白黑之徒附而化者甚众嗟乎支竺歿而佛声寢灵山废而法不作后数百岁而寂然继之岂非时有待化有緣耶六年夏寂然遣僧常贄自剡抵洛持书与图诣从叔乐天乞为禅院记道猷肇开兹山寂然嗣兴兹山乐天又垂文兹山异乎哉沃洲山与白氏其世緣乎

龙宫寺碑 李绅

会稽地滨沧海西控长江大禹疏凿了溪人方宅土南岩海迹高下犹存司其水旱鸣为云雨乃神龙之乡寺曰龙宫在剡灵芝乡嵯亭里地形爽嶝林岭依抱刹宇颓毁积有年所自创三徙始定此地像仪消化钟磬不扬堵波已倾法轮莫转老释修真护念常启岁月屡迁物力无及贞元十八载余以进士客江浙将适天台与修真会于剡之阳师言老禅有念今兹果矣后当领镇此道幸愿建饰以资福履余笑不答师曰星岁有期愚有冥告元和三年余罢金陵从事河东薛公苹招遊镜中师已卧病约言无易大和癸丑自分命洛阳诏以检校左骑省廉察于兹岁逾再纪修真已为异物龙宫栋宇将尽命告坟塔因追昔言以头陀僧会真部工藏事捐钱三十万监军使毛公承泰亦施焉从事寮吏咸同胜因闾里慕仁风靡争施子来之功云集清凉之宇郁兴浹旬而垣墉周逾月而栋干合焕矣真界昭乎化城择静行僧居之以总寺事资我后无疆之祚资龙神水府之福一雨之施润洽必同七郡山泽城邑万人介福所安翳我龙德用回法力永资泉宫刻石记言于寺之刹铭曰沧海之隅会稽巨泽惟禹功力生人始藉土壤山屿滨海之东溟涨空阔邈秘龙宫贝阙难知珠宫莫测云雨交昏深沈不隔闻法必听依佛必降岂腾溟海亦化长江既资胜因为龙景福节宣风雨以成播育撞钟必告三界必闻唯尔龙室昭昭不昏我昔麻衣有僧传信斯人已亡斯言不泯敬报前志以垂后功建饰仪相昭明有融普利羣生罔资己力琢磨记言

吊剡溪古藤文 舒元舆

剡溪上绵四五百里多古藤株栢逼土春入土脉他植发活独古藤气候不觉絶尽生意予以为本乎地者春到必动此藤亦本于地方春且死色遂问溪上人有道者曰溪多纸工万斧斩伐无时擘剥皮肤以给其业噫藤虽植物温而荣寒而枯养而生残而死亦将有命于天地间今纸工斩伐不得发生是天地气力为人中伤物之疾病异日过数十百郡东雒西雍见书文者皆以剡纸相夸予悟剡藤之死职止由此此过固不在纸工且今九牧人士自言能见文章户牖者数与麻竹相多听其语其自安重皆不啻握骊龙珠苟有晚寤者其伦甚寡不胜众者固以敛手无语胜众者自谓天之文章归我轻傲圣人道使周南风骨入于折扬皇华中言偃卜子夏文学陷入于淫靡放荡中比肩握管动盈数千百人数千百人笔下动数千万言不知其为谬误日月以纵自然残藤命易其柯叶流波颓沓未见止息如此则绮文妄言辈谁非书剡纸者邪工嗜利晓夜斩藤以鬻之举天下为剡溪犹不足以给况一剡溪者耶后之日不复有藤生于剡矣大抵人间费用苟得着其理则不枉之道在暴耗之过莫由横及于物物之资人亦有其时时其斩伐不为天阙予谓今之错为之文者皆天阙剡溪藤之流也藤生有涯而错为文者无涯无涯之损物不直于剡藤而已余取剡藤以寄其悲

剡録卷五

●钦定四库全书

剡録卷六上

（宋）高似孙 撰

○诗【诗中有及剡者采焉】

登临海峤初发疆中作 谢灵运

杪秋寻遠山山遠行不近与子别山阿含酸赴修轸中流袂就判欲去情不忍顾望
脰未悵汀曲舟已隱隱汀絕望舟驚棹逐惊流欲抑一生欢并奔千里游日落当栖薄系
纜临江楼岂惟夕情斂忆尔共淹留淹留昔时欢复增今日叹兹情已分虑况乃协悲端
秋泉鸣北涧哀猿响南峦戚戚新别心凄凄久念攢攢念攻别心旦发清溪阴暝投剡中
宿明登天姥岑高高入云霓还期那可寻恍遇浮丘公长絶子徽音

寻沈剡至嵯亭 虞騫

命楫寻嘉会信次歷山原扞天上云紕与石下雷奔澄潭写度鸟空岭应鸣猿榜歌
唱将夕商子处方昏

游沈道士金庭馆 沈约

秦皇御宇宙汉帝恢武功欢娱人事尽情性犹未充锐意三山上托慕九霄中既表
祈年观复立望仙宫宁为心好道直由意无穷曰余知止足是愿不须丰山嶂遠重迭竹
树近蒙茏开襟濯寒水解带临清风所累非外物为念在玄空朋来握石髓宾至驾轻鸿
都令人径絶唯使云路通一举凌倒景无事适华嵩寄言赏心客岁暮尔来同

征镜湖故事

将寻炼药井更逐卖樵风【凡初】刻石秦山上探书禹穴中【吕渭】溪边寻五
老桥上觅双童【严维】梅市西陵近兰亭上道通【谢良弼】雷门惊鹤去射的验年
丰【贾肃】古寺思王令孤潭忆谢公【郑槩】帆开岩上石劔出浦间铜【庾骩】兴
里还寻戴东山更向东【裴晁】

壮游 杜甫

越女天下白镜湖五月凉剡溪蘊秀异欲罢不能忘归帆拂天姥中岁贡旧乡气劇
屈贾垒目短曹刘墙

淮海对雪 李白

朔雪落吴天从风渡溟渤海树成阳春江沙皓明月飘飘四荒外想象千花发瑶草
生阶墀玉尘散庭闕兴从剡溪起思绕梁园发寄君郢中歌曲罢心断絶

别储邕之剡中 李白

借问剡中道东南指越乡舟从广陵去水入会稽长竹色溪下綠荷花镜里香辞君
向天姥拂石卧秋霜

赠陆调 李白

挂席候海色当邑下长川多酤新丰醪满载剡溪船中途不遇人直到尔门前大笑
同一醉取乐平生年

赠王判官 李白

昔别黄鹤楼蹉蛇淮海秋俱飘零落叶各散洞庭流中年不相见蹭蹬遊吴越何处我思君天台绿萝月会稽风月好却遶剡溪回云山海上出人物镜中来

避地剡中赠崔宣城 李白

忽思剡溪去水石遠清妙雪尽天地明风开湖山貌闷为洛生咏醉发吴越调赤霞动金光日足森海峤独散万古意闲垂一溪钓猿近天上啼人移月边棹无以墨绶苦来求丹砂要华发长折腰将贻陶公诮

秋山寄卫尉张卿及王征君 李白

何以折相赠白花青桂枝月华若夜雪见此令人思虽然剡溪兴不异山阴时明发怀二子空吟招隐诗

寄韦南陵 李白

春风狂杀人一日剧三年乘兴嫌太迟焚却子猷船梦见五柳枝已堪挂马鞭何日到彭泽长歌陶令前

梦遊天姥吟留别 李白

海客谈瀛洲烟涛微茫信难求越人语天姥云霓明灭不可覩天姥连天向天横势拔五岳掩赤城天台四万八千丈对此欲倒东南倾我欲因之梦吴越一夜飞度镜湖月湖月照我影送我至剡溪谢公宿处今尚在渌水荡漾清猿啼脚着谢公屐身登青云梯半壁见海日空中闻天鸡千岩万壑路不定迷花倚石忽已暝熊咆龙吟殷岩泉栗深林兮惊层巅云青青兮欲雨水澹澹兮生烟列缺霹雳丘峦崩摧洞天石扉訇然中开青冥浩荡不见底日月照耀金银台霓为衣兮风为马云之君兮纷纷而来下虎鼓瑟兮鸾回车仙之人兮列如麻忽魂悸以魄动恍惊起而长嗟惟觉时之枕席失向来之烟霞世间行乐亦如此古来万事东流水别君去兮何时还且放白鹿青崖间须行即骑访名山安能攢眉折腰事权贵使我不得开心颜

送王屋山人魏万还王屋 李白

遥闻会稽美一度耶溪水万壑与千岩峥嵘镜湖里秀色不可名清辉满江城人游月边去舟在空中行此中久延伫入剡寻王许笑读曹娥碑沈吟黄绢语

鲁东门泛舟 李白

日落沙明天倒开波摇石动水潏洄轻舟帆月寻溪转吾是山阴雪后来水激龙盘犯石堤桃花夹岸鲁门西若教月下乘舟去何啻风流到剡溪

秋下荆门 李白

霜落荆门江树空布帆无恙挂秋风此行不为鲈鱼鲙自爱名山入剡中

送定法师 杨巨源

凤城初日照红楼禁寺公卿识惠休诗引棣华沾一雨经分贝叶向双流孤猿学定前山夕遠雁伤离几地秋空性碧云无处所约公曾许剡溪游

云门五溪 许浑

此溪何处路遥问白髭翁
佛庙千岩里人家一岛中
鱼倾荷叶露蝉噪柳条风
急濑鸣车轴微波漾钓筒
石苔萦棹绿山果拂舟红
更就前溪宿村桥与剡通

湖上兰若示清会上人 清昼

峯心惠忍寺嵒顶谢公山
何似南湖近芳洲一亩间
意中云木秀事外水禽闲
永日无人到时看独鹤还

剡溪行 朱放

潺湲寒溪上自此成离别
回首望归人移舟逢暮雪
频行识草树渐老伤年髮
唯有白云心为向东山月

剡溪舟行 朱放

月在沃洲山上人归剡县
江边漠漠黄花覆水时时
白鹭惊船

送王公还剡中别业 皇甫冉

不见關山去何时到剡中
已闻成树木更道长儿童
篱落云常聚村墟水自通
朝朝隐去渡非晚对清风

袁郎中破贼后经剡中山水 皇甫冉

武库分帷幄儒衣事鼓鼙
兵连越徼外寇尽海门西
节比全疎勒功当雪会稽
旌旗回剡岭士马濯耶溪
受律梅初发班师草未齐
行看佩侯印岂得访丹梯

润州南郭留别 皇甫冉

萦回南北岸留滞木兰桡
吴岫新经雨江天正落潮
故人劳见爱行客自无憀
君问前程事孤云入剡遥
六言

冬中寄韦弁 李端

独坐知霜下开门见木衰
壮应随日去老岂与人期
废井虫鸣早阴阶菊发迟
兴来空忆戴不似剡溪时

送少微上人 李端

削髮本求道何方不是归
松风开法席江月濯禅衣
飞阁猿鸣早漫天过客稀
戴颙常执笔不觉此身飞

云阳观寄袁稠 李端

花洞晚阴阴仙坛隔杏林
漱泉春谷冷漱药夜牕深
石上开仙酌松间对玉琴
戴家溪北住雪后去相寻

寄剡中友 项斯

歇马亭西酒一卮半年闲
事亦堪悲船横镜水人眠
后蓼暗松江鴈下时山晚
迴寻萧寺宿雪寒谁与戴
家期夜来忽觉秋风急应
有鲈鱼触钓丝

过吴张二子檀溪别业 孟浩然

卜筑因自然檀溪不更穿
园庐二友接水竹数家连
直取南山对非關选地偏
草堂

时偃曝兰棹日周旋外事情都遣中流性所便闲垂太公钓兴发子猷船予亦幽栖者经过窃慕焉梅花初腊月柳色半春天鸟泊随阳雁鱼藏缩项鳊停杯问山简何似习池边
宿云门寺 宋之问

云门耶溪里泛鹢路才通夤缘绿筱岸遂到青莲宫天香众壑满夜梵羣山空漾漾潭际月飏飏杉上风兹焉多嘉遁数子今莫同凤归嘅处士鹿化闻仙翁樵径谢村北学井阿岩东永夜岂云寐晓景忽朦胧谷鸟啭尚涩源桃惊未红再来期春暮当造林端穷庶几踪谢客开山投剡中

宿道一上方院 王维

一公栖太白高顶出云烟梵流诸洞徧花雨一峯偏迹为无心隐名因立教传鸟来还语发客去更安禅昼涉松路尽暮投兰若边洞房隐深竹静夜闻遥泉向是云霞里今成枕席前岂唯暂留宿眠来将穷年

送惟律 崔子向

阳羨诸峯顶何曾异剡山雨晴秋到后木落夜开闕缝衲纱灯亮看心锡杖闲西方知有社未得与师还

寄严长史 章八元

昨辞夫子棹归舟家在桐庐忆旧丘三径暖时花竞发两溪分处水争流近闻江老传乡语遥见家山减旅愁或在醉中逢雪夜怀贤应向剡川遊

寄秦系 戴叔伦

北人归欲尽犹自寓萧山闭户不曾出诗名满世间

酬秦征君春日见集 戴叔伦

终日媿无政与君聊散襟城根山半腹亭影水中心朗咏竹窓静野情花径深那能有余兴不作剡溪寻

早行寄朱放山人 戴叔伦

山晓旅人去天高秋气悲明河川上没芳草露中衰此别又万里少年能几时知心剡溪路聊且寄前期

访秦系 韦应物

俗吏闲居少同人面会难偶随香署客来访竹林欢暮馆花微落春城雨暂寒瓮间聊共酌莫使宦情阑

舟行入剡 崔颢

鸣棹下东阳回舟入剡乡青山行不尽绿水去何长地气秋仍湿江风晚暂凉山梅犹作雨溪橘未知霜谢客文逾盛林公未可忘多惭越中好流恨阅时芳

送师弟往台州 崔峒

遠客乘流去孤帆向夜开春风江上使前日汉阳来路别犹千里离心重一杯剡溪木未落羨尔过天台

送越客 张籍

见说孤帆去东南到会稽春云剡溪口残月镜湖西水鹤沙边立山巖竹里啼谢家
曾住处烟洞入应迷

送严维归越州 李嘉佑

艰难只用武归向浙江东松雪千山暮林泉一水通乡心绿绿草野思看青枫春日
偏相忆裁书寄剡中

送越州辛法曹 李嘉佑

但能一官适莫羨五侯尊山色垂趋府潮声自到门绿塘剡溪路映竹五湖村王谢
登临处依依今尚存

送■〈癸，言代夫〉光大师【师以草书应制】 罗隐

禹祠分首戴湾逢健笔寻知达九重圣主赐衣怜绝艺侍臣摘藻许高踪宁亲久别
街西寺待诏初离海上峯一种苦心师得了不须回首笑龙钟

送裴饶归会稽 罗隐

金庭路指剡川隈珍重良朋自此来两鬓不堪悲岁月一卮犹得话尘埃家通曩分
心空在世逼横流眼未开笑杀山阴雪中客等闲乘兴又须回

送孔征君 皇甫曾

谷口幽多处君归不可寻家贫青史在身老白云深扫雪开松径疏泉过竹林余生
负丘壑相送亦何心

赵能卿话剡之胜景 罗隐

会稽诗客赵能卿往岁相逢话石城正恨故人无上寿喜闻郎宰有高情山朝佐命
层层耸水接飞流步步清两火一刀罹乱后会须乘兴月中行

送张司马罢使适越 刘长卿

时危身赴故事往任浮沈末路三江去当时百战心春风吴苑绿古木剡山深千里
沧波上孤舟不可寻

孤石 刘长卿

孤石自何处对之如旧遊氛氲岷首夕青翠剡中秋迥出奇峯当殿前雪山灵鹫慚
贞坚一片夏云长不去莓苔古色空苍然

雪夜访别 刘长卿

扁舟乘兴客不惮苦寒行晚暮相依处江湖欲别情水声水下咽沙路雪中平旧劔
锋铍尽应嫌自赠轻

贾侍御自会稽使回 刘长卿

江上逢星使南来自会稽惊年一叶落按俗五花嘶上国悲芜梗中原动鼓鼙报恩
看铁劔衔命出金闺风物催归绪云峯发咏题天长百越外潮上小江西鸟道通闽岭山
光落剡溪暮帆千里思秋夜一猿啼栢署荣新宠桃源忆故蹊若为能亟去行复草萋萋

路入剡中作 方干

戴湾冲瀨片帆通高枕微吟到剡中掠草并飞怜燕子停桡独饮学渔翁波涛慢撼
长潭月杨柳斜牵一岸风便拟乘槎应去得仙源直恐接星东

山斋读书寄校书 钱起

日爱衡茅下闲观山海图幽人自守朴穷谷也名愚隔岭知溪雨新泉到户枢兰丛
齐稚子蟠木老潜夫忆戴时过剡遊山惯入壶濠梁时一访庄叟亦吾徒

忆吴处士 贾岛

半夜长安雨灯前越客吟孤舟行一月万水与千岑岛屿夏云起汀洲芳草深何当
折松叶拂石剡溪阴

竹下残雪 邱为

一点销未尽孤明在竹阴晴光夜转洁寒气晓仍深还对读书牖且闕乘兴心已能
依此地终不傍瑶琴

送阎校书之越 邱为

南入剡中路草云应转微湖边好花照山口细泉飞此地饶古迹世人多忘归经年
松雪在永日世情稀芸阁应相望芳时不可违

题招隐寺 张佑

千年戴颿宅佛庙此崇修古寺人名在清泉鹿迹幽竹光寒闭院山影夜藏楼未得
高僧旨烟霞空暂遊

剡中赠张卿侍御 严维

辟疆年正少公子贵初还早列名卿位新参柱史班千夫驰驿道驷马入家山深巷
乌衣盛高门画戟闲逶迤天下乐照耀剡溪间自赋遊章句空为衰草颜

送严十五之江东 戎昱

江都万里外别后几凄凄峡路花应发津亭柳正齐酒倾迟日暮川阔遠天低心系
征帆上随君到剡溪

送清散遊太白山

卷经归太山躡藓别萝龕若履浮云上须看积翠南倚松身入汉暝日月离潭此境
堪长往尘中事可谙

京口别崔固

积雨晴时近西风叶满船相逢嵩岳客共听楚城蝉宿馆横秋岛归帆涨遠田别君
还寂寞不似剡中年

游东峯宗密精庐 温庭筠

百尺青崖三尺坟微言已絕杳难闻戴颿今日称居士支遁他年识领军暂对杉松
如结社偶因麋鹿自成羣故山弟子空回首葱岭还应见宋云【宋云事见洛阳伽蓝记

】

宿一公精舍 温庭筠

夜闻黄叶寺瓶锡两俱能松下石桥路雨中山殿灯茶炉天姥客碁席剡溪僧还笑
长门赋高秋卧茂陵

寄清凉寺僧 温庭筠

石路无尘竹径开昔年曾伴戴颙来窓间半偈闻钟后松下残碁送客回帘向玉峯
藏夜雪砌因蓝水长秋苔白莲社里如相问为说遊人是姓雷

送剡客 赵嘏

两重江外片帆斜数里林塘遶一家门掩右军余水石路横诸谢旧烟霞扁舟几处
逢溪雪长笛何人怨柳花若到天台洞阳观葛洪丹井在云涯

送人之江东 刘商

含香仍佩玉宜入镜中行尽室随乘兴扁舟不计程渡江霖雨霁对月夜潮生莫虑
当炎暑稽山水不清

送张文新除温州 赵嘏

东晋江山称永嘉莫辞红旆向天涯凝弦夜醉松亭月歇马晓寻溪寺花地与剡川
分水石境将蓬岛共烟霞却愁明诏征非晚不得秋来见海槎

送宣武从事越中

晓看呈使范知欲勅星轺水国难驱传山城便倚桡秉筹先独立持法称高标旆旆
临危堞金丝发丽谯别愁当翠巘寬望隔风潮木落孤帆迴江寒垒鼓飘客鸿吴岛尽残
雪剡汀销坐想休秦岳春应到柳条

送萧炼师入四明山 孟郊

闲于独鹤心大于高松年迴出万物表高栖四明巔千寻直裂峯百尺倒泻泉絳雪
为我饭白云为我田静言不话俗灵踪时步天

送谈公 孟郊

坐爱青草上意含沧海濱渺渺独见水悠悠不问人镜浪洗手绿剡花入心春虽然
防外触无奈饶衣新行当译文字慰此吟殷勤

剡溪馆闻笛 丁仙芝

夜久闻羌笛寥寥虚客堂山空响不散溪静曲宜长草木生边气城池逗夕凉虚然
异风出髣髴宿平阳

赠江州李十使君员外

我本江湖上悠悠任运身朝随采樵客暮伴打鱼人迹为烧丹隐家绿嗜酒贫经过
剡溪雪寻觅武陵春

剡録卷六上

●钦定四库全书

剡録卷六下

(宋)高似孙 撰

○诗

送越帅程公辟 赵汝砺

画舫参差看欲飞纷纷车马厌尘泥右军笔墨空兰渚安道风流访剡溪白首得时
归莫遽丹心怀国去犹稽月明会醉蓬莱阁应笑云霄自有梯

前题 曾孝宗

虎符分镇浙江东■〈舟羲〉棹都门使旆雄双桨徘徊粉社日高牙摇曳剡溪风
蓬莱阁燕公书简贺监湖游狄榜空行听越民调德政亟还青琐见旌忠

前题 刘奉世

使君遗爱徧南州五马新归瘴海头捧橐未厌青锁直怀章还作鉴湖游余姚人物
传吴越越地山川向剡幽应有清诗资卧理会吟他日记风流

前题 王仲修

一麾占得山川胜金纽新提左顾龟苍阙斗龙辞日下红旗引骑照江湄剡溪月午
何妨醉曲水春余好赋诗玉案天香携满袖锦衣谁似过乡时

晚泊嵎蒲寄剡县刘旼员外 潘阆

晓泛剡溪水晚见剡溪山徘徊驻行棹待月思再还渔唱深潭上鸟栖高树间应当
金石友念我无暂间

自诸暨抵剡 吴处厚

莫叹尘泥汨且图山水游维峯天姥翠一舸剡溪秋不见戴安道有怀王子猷西风
无限意尽属钓鱼舟

夷犹双桨去莫不辨东西夕照偏依树秋光半落溪风高一鴈小云薄四天低莽荡
孤帆卸水村杨柳堤

秋渚函空碧秋山刷眼青排头烟树老扑面水风醒上瀨复下瀨长亭仍短亭夜船
明月好客梦满流萤

出得云门路风凄日夕曛船撑鉴湖月路指沃州云山色周遭见溪流屈曲分一觞
还一咏谁似右将军

忆越 杨蟠

蓬莱阁面对青山地上遊人半是仙渔浦夕阳横挂雨鉴湖春浪倒垂天高城尚锁
当时月故殿空留几处烟长爱剡溪堪发兴雪中曾棹子猷船

寄云门运禅师 颜复

句溪曲曲剡山重谁访桑门物外踪超世有言皆实际示人无意在机锋平生怀抱
佳高遯壮岁衣冠鏖俗容每想清禅心暂寂秋声萧瑟夜庵松

雨霁剡溪

剡溪风雨霁航苇重行行到处杨柳色几家荷叶声噪蝉金鼎沸游水玉壶清最喜

鱼梁伴归帆的的轻

剡中夜思 林槩

密树芳秾碧草齐春华微度绿阴低溪连嵯水兴何尽路接仙源人自迷落絮有情
风上下好花无语日东西故园桃李经年别一望归心遶翠蹊

剡溪书怀三绝 卢天骥

山鸟逢春恰恰啼桃花流水路犹迷何时鼠子膏齐斧笑领白云归剡溪
故园生事只衡茅不管方兄久絶交粝食枯椽吾易足鷓鷯只占一枝巢
山杏枝头鹌鹑儿来传春意语多时脆红可是浑无力不奈东风尽日吹
泛剡溪

愁呵龟手冷摇鞭乘兴来登访戴船解事篙师小鸣橹恐惊寒鴈入晴天
龙宫寺 华镇

盐梅器业尚风尘书劔曾游寂寞滨秀句玲珑满天下应搜佳丽入机神
金庭洞天 华镇

嵩高秀入洛川清鹤去云归冷玉笙霜白金庭今夜月流风依约有遗声
桃源 华镇

嘉树风生玉宇香莺飞燕舞弄春阳归来井邑皆如旧始觉仙家日月长
瀑布岭 华镇

春日云崖晴杳杳东风山溜晓泠泠烟霞密迓神仙府草木微滋亦有灵
戴溪 华镇

月华雪彩照长川一叶扁舟破紫烟十二瑶台登赏夜清光长似昔时天
题戴溪亭 林东

溪亭故事几年华来值秋霖眺望賒云障山峦多少处雨埋烟火两三家水肥去马
行高坂汀没闲鸥上浅沙谁是子猷谁是戴小船杯酒兴无涯

独秀山 李易

访戴溪长近若耶金庭雪对赤城霞沼从鹄举添萧索峯似鸾翔解叹嗟每爱林间
百种蝶难忘竹外四时花剡川图上他年指独秀山前是我家

剡溪幽居

胜絶剡溪边巢枝度半年燕回衔落絮鱼涌接飞泉丹鼎山头气茶炉竹外烟幽居
已成趣佳致若为传

浴鹄沼

鹄沼开新鉴纖尘莫遣遮翠光争水鸟红影湛山花天外时分月林端更蔚霞高飞
留旧迹全付谪仙家

龙潭二

云巘移佳茗风潭遶怪松书传黄石秘税可紫芝供抵玉休惊鹊怀珠且伴龙听经

谁氏子卉服秀仍恭

敌骑侵淮海龙潭路始通云生迷宝刹月皎现珠宫泻涧泉喷薄依岩树郁葱神交
难独擅吾党契元同

西溪

玉龙擎山开南鹜肆奔猛风荡雪蒙蒙月流光炯炯壮气动贵门前驱入蛟井万籁
息中宵一区临绝境奔雪有遗音垂磬得深省白云何所闻就宿孤峯顶

登军营坞

褰裳涉流水倚水送归云海角春潜到山腰路忽分伏龙应厌睡飞雹骇论文鸛雀
知机早翻然不待羣

居剡一篇寄郑天和

金庭洞在桐栢山山高一万八千丈中有神仙不死区郁郁黄云覆其上透岩流壑
遶四旁面势参差皆意向鸡登天姥有时闻鹤羨沃洲何待放彩衣大胜宫锦袍白发奉
亲仍纵赏异才争出辅清朝爽气自欣遊碧嶂古来无位有重名吾家谪仙陆鲁望平生
愿到犹不谐矧彼区区走俗状桃源康乐旧乡存路接风烟聽还往渡江正为九华丹石
笋飞泉归指掌鸾翔鹄浴传异时列岫方池间想象剡溪随处可卜居乘兴扁舟一相访
贵门卜筑

乱后亦择居筮山山辄许居民百余家喜甚手欲舞去久闻公名此幸殆天与感兹
郑重意时节共鸡黍剡川非沃野地僻民更窶趁时务撷茗余力工搗楮寡妇念遗秉污
池怜数罟我欲教耦耕尽力循南亩桃杏种连

山深居可长处东邻有节士酒酣乃发语公昔起布衣高议掩前古亲擢类平津决
见逢真主两宫伫六飞万乘思一举交侵正倔强蠡起益旁午浩然公独归偶出宁有补
默塞复何言长叹汗如雨

题龙潭壁

贵门今是鹿门山尽室扶携万壑间流水偶随真自悟遥岑相望若为攀风翻竹坞
慵休扫月过松扉静不關潭底卧龙烦一起正须霖雨济尘寰

书剡山所见寄周侍郎

剡山无数野蔷薇黄云烂熳相因依玉杯浅琢承坠露金锤倒挂摇晨晖斑竹笋行
三亩地红药花开一尺围豆角尝新小麦秀来禽向长樱桃肥歌舌随风柳外啣翠花带
水烟中飞鱼跳破浪奋赤鬣鹤唳投松翻縞衣乡關万里久无梦岩壑四年今息机丁宁
杜宇往江北为唤故人令蚤归

题剡溪

我家住在剡溪曲万壑千岩看不足却笑当年访戴人雪夜扁舟去何速

山水戴逵邑尚余清兴中千岩落花雨一径卷松风酒茗延幽子图书伴老翁长生
吾不羨久悟去来同

雪作剡溪

玉楼琼树晓烟披拥衲开门四望迷清旷世人谁似我雪中更对子猷溪

怀剡川故居

烟光流转太骎骎又见春山换绿阴蝴蝶梦中新岁病杜鹃声里故乡心焦桐冷却
风三尺瘦竹拖来月一寻早晚掉头归小隐诛茅千嶂白云深

断云流水古岩隈忆得柴门半扇开雪打子猷船上过春从灵运屐边来逃禅野榻
排芳草觅句寒崖扫落苔容易三年抛绝去不胜啼月晓猿哀

病目飞蝇鬓雪干欲扶吾道愧衰残把他杓柄力何倦还我锄头心便安待摘菜花
添午供便裁荷叶备春寒不辞高卧烟霞里枕上青山最好看

剡溪

千古剡溪水无穷名利舟乘闲雪中兴唯一王猷

了溪

禹迹始壶口禹功终了溪余粮散幽谷归去锡元圭

剡录卷六下

●钦定四库全书

剡录卷七

（宋）高似孙 撰

○画

戴逵画南都赋图

戴安道就范宣学【中兴书曰逵不遠千里往豫章范宣宣见逵异之以女妻焉】
视范所为范读书亦读书范抄书亦抄书唯好画范以为无用不宜劳思于此戴于此乃
画南都赋图范看毕咨嗟以为有益始重画

戴逵画行像

戴安道中年画行像甚精妙庾道季看之语戴曰神明太俗由卿世情未尽曰唯务
光当免卿此语耳【列仙传曰务光夏时人也好鼓琴汤将伐桀谋于光曰伊尹何如
务光曰强力忍诟不知其它汤克天下让于光光曰吾闻无道之世不践其土况让我乎
负石自沈于蓼水】

王羲之像

金庭观有右军书楼墨池旧有羲之像

王徽之像

刘原父徽之像赞曰人生谁不知妄为世所束兴来当暂往兴尽期自复大雪暗溪
路新晴月微烛去非斯人慕返岂斯人辱优游便所适偃蹇尚幽独

李绅像

龙藏寺有唐李绅书堂旧有李绅画像

剡中溪谷村墟图

畫錄曰毛惠秀剡中溪谷村墟图一卷隋朝官本李嗣真續畫錄曰惠秀绘事颇为
详悉太白矜持翻成羸絕不及惠遠【湘东王萧绎續畫品曰毛棱惠遠子子便捷有余
真巧未足】

王洗雪溪乘兴图

洗字晋卿东坡题其图溪山雪月两佳哉宾主谈锋夜转雷犹言不见戴安道为问
适从何处来栾城次韵亟往迨归真旷哉聋人不识有惊雷虽云不必见安道已误扁舟
犯雪来

李易诗剡川图上他年事独秀山前是我家易歷给事中尝居剡之贵门山剡川固
可图自惠秀之后无其人耳又止剡溪道上诗一水縈不断千崑翠相扶扁舟访雪月我
昔见畫图

访戴图

吕居仁答钱逊叔访戴图诗北风吹霜夜如雪江城草木冻欲折病夫袖手无所为
一坐临川已三月忽蒙妙句起衰惫顿觉和气生毛髮公能忘机我亦倦不待文殊见摩
诘畫圖是非久未解况保长年不磨灭请公置畫莫多求要与时人除爱渴

李商老访戴圖【当是商老所藏】

李商老观访戴圖诗闲庭秋草积满砌苍苔深忽向冰纨上聊窥访戴心雪月俱皎
皎风林互森森纵观停舫处犹闻击汰音终年剡溪曲何尝返山阴徒言兴已尽真安谁
能寻浮生圖畫尔慷慨为长吟

廉宣仲访戴圖【宣仲名布号射泽老农宣和间为畫学博士】

王铎云仆自会稽泛舟至剡中是时雪迟梅子烟外万枝来岸幽香不断盖非人间
世也友人廉宣仲在四明闻之作子猷访戴圖见寄作长句谢之仍书四絕句于圖后剡
溪万壑千岩景人境谁能识心境君畫山阴雪后船始悟前人发清兴眼中百里旧山川
荒林雪月縈寒烟应緣兴尽故无尽宾主不见宁非禅当年戲留一转语不意丹青能尽
覩更畫人琴已两忘妙尽子猷真赏处白玉花开碧玉弯戴逵溪上谢公山若教当日逢
斯景肯道扁舟尽兴还越溪梅接剡溪濱得意还成一景春此日可怜高兴尽扁舟处处
作东邻山回水转碧玲珑月在羣山四合中香满一船梅胜雪休夸访戴畫屏風梅英与
雪一般色不得北风香不知懒咏左思招隱句先生今有畫中诗

仲皎庐山图

仲皎所作庐山圖窈窕清润有诗书气僧惟敬所藏先公翰林尝跋

十八高士圖

先公翰林居剡作雪馆于玉岑山又作集高亭绘晋入剡十八高士为圖列左右

○纸

剡藤

李肇国史补白纸之妙者越之剡藤舒元舆有悲剡川古藤文文在文卷中吴淑纸赋曰金花玉骨剡藤麻面刘禹锡诗精彩添隃墨波澜起剡藤顾逋翁剡纸歌云路上山阴雪中有玉人持玉节宛委山里禹余粮石中黄子黄金屑剡溪剡纸生剡藤喷水揭为焦叶棱欲写金人金口偈寄与山阴山里僧手把山水紫罗笔思量点畫龙蛇出正是垂头搨翼时不免向君求此物丁晋公纸诗妙制剡溪人多名锦水春欧阳公诗剡藤莹滑如玻璃熊岑送程公辟诗溪藤频得句雪舫夜留宾黄太史诗蚕尾银钩写珠玉剡藤蜀璽照松烟韩持国诗剡溪柔弱难争强紫岩紧实为取长李商老诗相望唇亡齿寒国书来莫惜剡溪藤僧巽中谢吴令惠越纸诗不用微文吊剡藤纸成功用贵深精布头未足全彰美鱼纲徒劳独擅名赠我喜同青玉案报公惭乏碧云情道山何日鞭归骑给札还应付长卿

剡纸

陆龟蒙诗宣毫利若风剡纸光如月梅圣俞诗巴笺脆蠹不禁久剡楮薄慢还可怕剡硃

薛能送浙东王大夫诗越毫逐厚俸剡硃得佳名注曰近相传以捣熟纸名硃鸡林志曰高丽纸治之紧滑不凝笔光白可爱号白硃纸林和靖诗纸轴敲晴响茶铛煮晚浓和靖又有槐木纸椎赠周太祝诗轻如鱼网滑如脂时寫新诗肯寄来硃纸其法椎捣也剡溪玉叶纸

皇甫松非烟传曰临淮武公业位河南功曹参军爱妾曰非烟北邻子赵象窥见慕之象取薛涛诗以剡溪玉叶纸写之达意于非烟烟复以金凤纸题诗酬之

澄心堂纸

剡用南唐澄心堂纸其样甚展新安志曰绩溪纸乃澄心堂遗物欧阳公韩持国有澄心堂纸诗米元章薛道祖亦有诗

玉版纸

东坡诗溪石琢马肝剡藤开玉版黄太史有次韵王炳之惠玉版纸诗

敲冰纸

张伯玉蓬莱阁诗敲冰呈好手织素竞交鸳注曰越俗呼敲冰纸新安志曰纸敲冰为之益佳剡之极西水深洁山又多藤楮故亦以敲冰时为佳盖冬水也吕本中诗敲冰落手盈卷轴顿使几案生清芬

罗笺

苏易简纸■〈糸 普〉曰蜀人造十色笺其文谓之鱼子笺又谓之罗笺剡溪有焉

○古物

晋剡锤

晋郭璞传元帝为琅琊王使璞筮遇豫之睽曰会稽当出锤以告成功上有勒铭应在人家井泥中得之及帝即位太兴初会稽剡县人果于井中得一锤长七寸二分口径

四寸半上有古文所书十八字云会稽徽命余字时人莫识

戴安道琴

琴笈曰安道一琴比常制长一尺

许承瓢

唐先天中女冠投简金庭见褚伯玉所得许承瓢遂持以进

顾欢素琴

欢隐剡山齐高帝征至进元纲优诏称善赐欢素琴

顾欢尘尾

齐高帝又赐欢尘尾

秦系砚

秦系山居诗洗砚鱼仍戏移樽鸟不惊系注老子穴山石为研

剡西古砚

剡开元乡民鬻土值研色下崑也浑璞渤蚀受墨处独砥中隳凹处唐以前物铭玉在深山有道则见山耶石耶陵谷几变呜呼此玉不晦不炫不以知贵不以弃贱

八角石砚

剡丁发砚于破冢外肖羲画内凿禹海越手轻爽石性已空入土老也铭二火一刀研与人俱高甲乙丙丁砚与数不逃石之饗志之劳文之骚人之豪

二大洗

吴庄渔人得之归章氏章氏遗余铭金兮精火兮明土兮英水兮清器兮贞人兮声翠壶

甲戌冬剡丁发诸荒墟壶范筒古藓花黛绿铜性空入手轻其铭黛泽涵灵苔花布迹金性积蛻土膏辍蚀

三足洗

表弟周枢得之清化铭尚古雒人范模首智伊谷可陵厥用罔暨

剡录卷七

●钦定四库全书

剡录卷八

（宋）高似孙 撰

○物外记

道馆

金庭观在剡金庭山是为崇妙洞天金庭福地【道经曰王子晋登仙是天台山北门第二十七洞天桐栢山洞中三十五里见日月下见金庭壁四十里又曰天治华顶之东门曰金庭洞天周王子晋善吹笙为凤凰之声从浮丘登高而羽化缙山去后主治华顶号白云先生往来金庭风月之夕山中有闻吹笙者】循山趾而右得小香炉峯其峯

八面即洞天之北门【唐裴通记曰金庭洞天在县之东南山趾而右得小香炉峯即洞天之北尝闻异香时值一仙人从古不死真天下之絶境】又有五老峯【上大松】卓剑峯【其山形如剑】观之后为放鹤峯【山峯峦竒耸多古木】其东有仙人走马冈冈有路迹下有龙湫水极清冽下流为小涧有赤水桥又东为洞山【山中人皆姓董又曰董山】是为毛竹洞天【洞天记曰毛竹为二十七洞天】洞门岩石竦立有老木龙藤纠缠岩石洞前有碧洞去观二里曰再度村【世传右军度此见山岭崇峻以为罕有故谓之罕岭】去观东去十五里有大湖山峯势入天上有赤水丹池【池可丈余深不可测其水色赤勺之则其清如镜祷雨甚灵】旧为王右军宅东庑设右军像有书楼墨池鹅池【裴通记曰琅琊王羲之家于此其书楼墨池旧制犹在书楼今不存墨池方丈余水或清或黑亦甚异也又有鹅池在卓剑峯之下可三亩水极清洁石鼓山有灵鹅崑谓鹅飞于此山】右军舍宅为观初名全真馆又改金真宫【旧传右军舍读书为观】宋齐间褚伯玉居此山【伯玉居此山三十余年后遊南霍山复归谓弟子曰吾从去十旬当逝及期而终年八十六史言齐高帝迎之辞疾勅于剡白石山立太平馆居之与旧经少异】沈约有金庭馆碑唐先天间遣女道士投简金庭观见许承瓢遂持以进【真诰曰上虞吴昙得许承一瓢赠伯玉伯玉已授弟子朱僧受歷代寶之可受一斛】张说题金庭观诗【女珠道在岂难求海变须教鬢不秋他日洞天三十六碧桃花发共师遊】唐僧小白题金庭观诗【羽客相留宿上方金庭风月冷如霜直饶人世三千岁未抵仙家一夜长】罗隱送裴饶归会稽诗【金庭路指剡川隈珍重良朋自此来两鬢不堪悲岁月一卮犹得话尘埃家通曩分心空在世逼横流眼未开笑杀山阴雪中客等闲乘兴又须回】李易居剡寄郑天和诗【金庭洞在桐栢山山高一万八千丈中有神仙不死区郁郁黄云覆其上透岩流壑遶四旁面势参差皆意向鸡登天姥有时闻鹤在沃洲何待放彩衣大胜官锦袍白髮奉亲仍纵赏异才争出辅清朝爽气自惊遊碧障古来无位有重名吾家谪仙陆鲁望平生愿到犹不谐矧复区区走俗状桃源康乐旧乡存路接风烟甘遠往越江正为九华丹石笋飞泉归指掌鸾翔鹄浴传异时列岫方池闲想象剡溪随处可卜居乘兴扁舟正相访】刘旦遊金庭诗【衡岳真人称福地南齐高士寄山河赤城仙去骑丹凤墨沼人传咏白鹅一世风流俱寂寞千年气象故嵯峨登临不尽怀人恨唯有苍苍石可磨】仙都李清叟诗【山属蓬壶第几重竒峯翠岫绕灵宫云藏毛竹深深洞烟起香炉裊裊风放鹤已归天汉上养鹅无复小池中羽人尽得飞章法神与寥阳路暗通】欧阳建世诗【右军平昔爱观鹅尚有池塘聚渌波但见当时尘迹在徘徊终日对嵯峨】天台金卞诗【寻真穷养浩崇妙路迢迢洞掩峯千迭尘分水一条白云生石壁飞阁插崖腰隱隱存仙迹浑疑在碧霄】羽士叶参光诗【迢迢人间入路遥忽窥仙阙絶尘嚣事寻竒异彼燕石文载兴崇是晋朝攻艺高楼无笔砚养鹅灵沼识葛尧英雄虽逐年华谢万古真风冠碧霄】淮南马并诗【右军学业隱林丘世来年余景尚幽苔鎖一泓残墨沼云遮三级旧书楼欣逢羽客开金阙快覩仙童侍玉旒自恠今

朝说凡骨飞身得向洞天游】四明朱全诗【忆昔羲之古事修龙蟠云卷卒难搜鹅池墨沼今虽在谁复书堂笔下求】羽士李太澄诗【步步溪山转几重五云深处敞琳宫峯峦秀拥神仙至门径清无世俗风画静暮声深院里月明琴弄夜堂中丹成仙子无余事祇待蟠桃信息通】

桃源观唐为太清宫在剡门之北【唐武德八年置号太清后废干佑三年重置曰桃源观人言太清宫屋趾延袤在北门之外今门外田畴犹曰宫前畝按吴越时有东都帖曰桃源观宫主灵逸大师陆契真乞以钱本回运香油未审剡县太清宫所彼三清大师作真圣宫此帝院使用则是时太清宫尚存又与桃源观为二区矣】沈邁赠剡溪桃源宫王道士诗【我昔剡溪游道人一相遇重来十岁余颜色宛如故顾我命衰早鬓毛已苍然乃知世上荣讵若山中闲道人家东都问胡不归北北方多风尘素衣化为黑斯言共所信吾志亦江湖潇洒会稽守平生欣莫如君恩容苟安愿奉三年计幸尔数到城间谈北方事】观有古钟【世传钟霾今岳祠前田池中】

僧庐

惠安寺在剡山之阳旧曰般若台寺又曰法华台寺【晋羲熙二年南天竺国有高僧二人入金华师道深弟子竺法深授阿毗谭论一百二十卷甫一宿而诵通道深遂讚法友释迦重兴今光授记遂往剡东■〈山印〉山复于剡山立般若台寺会昌废咸通八年重建改法华台寺天佑四年吴越武肃改兴邑寺大中祥符元年改今额十道志曰西台寺今法台寺是也陈惠度所立】寺有上方轩牕与溪山对极高明之眺中产草号鹿胎草【猎士陈惠度射鹿此山鹿孕而伤既产以舌舐子身死而后母死惠度弃弓矢投寺出家后为名僧鹿死之处生草号曰鹿胎草】寺有灌顶坛【张继剡县法台寺灌顶坛诗九灯传像法七夜会龙华月静金田广幡摇银汉斜香坛分地位寶印辨根牙试问因緣者清溪无数沙】赵嘏有早发剡中法堂寺诗【暂息劳生树色间平明尘事又相关吟辞宿处烟霞去心负秋来水石闲竹户半开钟未絕松枝静霁鹤初还明朝一倍堪惆怅回首尘中见此山】寺有增胜堂寺僧彦强所居王铨题诗【心是华严境圓机更善根一尘犹可见十胜不为繁放鹤扫松径呼猿开竹门妙高峯顶住客到亦忘言】彦强山居诗【老矣母能役崑分草草緣放渠藜六尺销得屋三椽雪尽收茶早云晴拾菌鲜有时临近涧揜手弄潺湲】择璘题思安清意太师幽远庵诗【得意幽深触处真何须丘壑密藏身爱兹殊胜园林地非彼等闲花木春白画杜门人莫到清谈絕俗世难亲纷纷闹市绕山脚独有此中无点尘】

圆超寺在剡山之西旧曰灵【由山】庵【晋天福六年建奉国院大中祥符赐今额】王铨诗【松间清月佛前鐙庵在危峯更上层犬吠一山秋意静敲门知有夜归僧】山中奉灵感大士精祈必格寺有大观旧记【记曰圆超禅院旧曰灵岫庵有老僧独居礼观音观音乃旧工王温夹苎为之治平初国子博士郑公宰剡秋夜月明梦一人仪形有异进而前曰衣敝久矣幸念之一日诣寺见大士像喟然曰感梦者非此乎命工绩

饰宰及瓜谓院僧曰大士常感于予愿输金易之以去僧合谋曰金虽多岂若大士在山中可为无穷之福利也赍金请于宰前一夕宰之家人皆梦大士曰翌日当诀矣宰见僧至遂奉以归自是剡人益竒其事乃记大士灵感之因大士灵感之迹云崇宁五年四月旦承务郎尉郑雄飞记】有亭尽得溪山登覽之胜曰挟溪亭卢骏元题圆超寺挟溪亭诗【孤亭瞰平野双溪分两腋野阔春风香溪晴照人碧我来亭上天欲春溪声野色争赴人胷中丘壑相映发翛然便欲乘飘轮惜无妙手王摩诘半破鹅溪重畫出溪山应喜得赏音尽遣烟霞供落笔我嗟吟鬓犯车尘一凭危栏眼界新寄谢溪声与山色他时来作个中人】梅溪王十朋次韵【路入剡山腰风生玉川腋孤亭物外高双溪眼中碧山僧作亭去几春赏音端的逢诗人自从妙语发丘壑遂使絕景多蹄轮我来首访维摩诘问讯双溪自何出发源应与婺溪同赋物惭无沈郎笔凭栏一洗利名尘入眼翻惊客恨新山城重重水如带可能挽住思乡人】王铨登挟溪亭诗【剡中何许隔林垧无复晴峦到眼明頼有西南天一角乱云深处叠秋屏】松岭之侧旧有俯山堂前拖众山下瞰井【邑堂废已久昔人留题甚多如近离城市不多地高压楼台无限家不知谁人作】寺前巨竹数万个琅玕入天今非昔矣

瑞像寺在邑之东吴越武肃王所创【唐景福元年】

南岩廡院【唐龙纪元年建县东二百步今废为民居】

实性院在剡山之西唐曰清泰院【唐干元中建清泰院会昌废晋天福七年重建大中祥符元年赐今额】寺下有古井【輿地志曰城内有石井深五丈即此也】

超化院在剡门之北其后枕剡坑有林涧之美【晋天福七年建水陆院大中祥符改今额】院有鉴轩石延庆题鉴轩诗【一轩曾揭鉴为名轩下方池彻底清坐客不须频拂拭主人犹恐太分明一尘不染元无物万像俱涵岂有情堪笑越湖三百里等闲风浪不曾平】刘彝尝赋悼贤诗【越州剡县超化院皇佑辛卯春予寄居是邑民方阻饥流莩萃千里集于城下县令秘丞过公彦专劝诱豪族得米二万斛以救民明年又饥遂出常平钱万缗请余于明归以剡价取其赢米几万斛继续民命尚惮其不给也乃刻俸麦七十斛为种而假超化院左僧民之田十余顷役饥民耕种之明年得大麦五百余斛嗣给流民各俾归业熙宁己酉春余倅永嘉就移湖北道出剡溪民有怀过公者尚皆感泣而院僧闻其云亡尤增痛悼因书屋壁继以诗良畴十顷接晴烟曾假过侯就早年俸麦一车开德济流民千里荷生全人嗟逝水今亡矣俗感遗风尚泫然独对老僧谈旧事斜阳春色漫盈川】先公和曾原伯寄超化举长老诗【文声宫祉韵鸾和素履水霜凛节柯鹏翼扶摇惊斥鷃凤翔寥廓无灵鹅参元问学渊源远友许游从日月多谁袖新篇来古剡夜寒不觉耸肩哦】

明心院四山环合自成一屿寺在其中前临松岭路通吴越【建隆二年陈承邨舍宅建号黄土塔院大中祥符改今额在县北二里】鲁国唐咨记【记曰邑北五里林峦幽邃如城郭其西北一陇望之蔚然高出于羣峯曰黄土岭岭腰有灵泉清冷甘滑行者

负者涤热为凉显德七年乡民苏老宾请于钱氏为僧院宋建隆初为黄土塔院又有陈房二翁捐山以广寺治平三年赐今额景佑中僧仁偃甃为二泓立廊以升凡二百级人至潇洒不知人间有暑惟佛法能转惑见为真智却羣迷为正觉离执着为圆明然后逍遥乎真空之理超悟乎妙道之场所谓明心者因夫明心之理以告云】西山之岭有归鸿阁王铎归鸿阁诗【初离江渚荻生芽飞到龙荒雪满沙寄语不须传信远将军忧国不忧家不向幽林敞画栏夕阳空伴六朝山故人为我留歌兴絶胜溪边访戴还今君有意去来中白日无私物自公回首溪山莫留恋不随社燕与秋鸿】仲皎归鸿阁诗【精舍傍修岭道心随眼明山遗僧偃迹水作剡溪声无雨竹亦润有风松更清上方真可住不用触归情】又有归云亭仲皎归云亭诗【一从飞出岫舒卷意何长作雨遍天下乘风归帝乡无心怜洒落到处自清凉缥缈来空碧吟边带夕阳】又有偃公泉【僧仁偃施水得名水味清甘宜茶】王梅溪偃公泉诗【泉自何时有得名从偃公谁能继长陆为载水经中】寺有诗僧仲皎自号闲闲庵今为倚吟阁先公为僧惟敬记之寺之南麓先公翰林所藏山有藏书寮又有雪庐玉峯堂秀堂

福感寺依小坡有竹前有桥桥下涧水通焉【晋天福四年建号报恩大中祥符改东二十五里】

普安寺居坦平后依山甚高峻号白云山云起即雨山中林木前有池【宋元嘉二年建会昌废后唐清泰二年兴】

资福寺在平野后有小山东望四明山前凿小池【晋天福八年建号增福大中祥符改东三十里】

尊胜寺在小坡陀中山枕四明山寺之山曰清泉山凡寺之内前后每凿地三尺必得水虽地有高下无所异丈室之前有两池清洁紺碧【宋永嘉二年曰厚山院会昌废天福六年建治东四十里】

华藏寺居阳坡有竹树左为四明山乃茹兰禅师所立【晋开运二年号云峯院大中祥符改东四十五里】

上乘寺枕四明山四围皆山多林樾池前一巨壑其左一池水湛洁距寺之西南一里有雪潭有龙居焉【梁永明二年置安福寺会昌废景福元年兴建东七十里】

法祥寺据山山势秀拔左右环拥林木阴翳寺之后有峯曰狮子顶距寺三里有灵鹅山【世传右军鹅池中鹅飞至山中】山有石鼓洞洞为穴二高七丈有二石鼓【晋时于此山置石鼓山】洞中可坐一二十人清淨澄邃洞之前有涧水潺湲【宋元嘉二年号延福会昌废后唐清泰二年兴大中祥符改法朗又改今额治东七十里】

清隱寺居山腰其北三峯皆峭峻巨杉交荫路通四明雪窦山其第二峯有龙池池中有金蛇金线文龟蛇见则雨前有二洞桥桥下清涧湍激又有四照亭左右有二巨壑【唐大中七年建三峯院治平三年改东七十里】仲皎送僧入三峯诗【上人瞿昙裔律身玉无瑕力究毗尼论汪汪海无涯振锡复何许三峯隱苍霞堂上大道师灵芝发根

芽想见涌法施冬冬鼓声挝上人从之游勿惮岁月遐坐待霜露熟香风散天葩】

明觉寺据山后依燕尾峯面独秀峯林木环耸山中有七井其一大者深五丈阔一丈有一灵鳗若大椽常见之寺之左有白莲龙潭下有大壑曰白莲池【寺始于长安营焉后有老师望一处有灵光遂迁寺今谓之光明塘后有闻山中钟鼓声者又迁今所梁大通元年智远禅师建禅林寺会昌废晋天福建大中祥符改今额南二十里】

空相寺依平山前有涧水【太平兴国元年号开明院大中祥符改南四十里】

禅惠寺据山之坡山形围焉山林蔚青前有一池右有回龙桥桥之下涧水出焉山中有古井齐景明中安南将军黄僧成家天雨钱数亿万舍以造寺号钱房寺【梁天监中改禅房寺会昌废咸通二年重建县之西二十里】

天竺寺宅山之腰山极崇峻多筱竹前山亦巍竦寺之前有石曰安禅石四五枚又有破石石平为半有清涧环激【晋天福七年建号西明院祥符改今额县之西二十里】

显净寺在平屿左右有松竹寺有八池水甚清美其西庀有白鹤井【齐永明三年建青林寺会昌废后唐长兴元年建大中祥符元年改县西二十里】

悟空寺据高岩前有巨壑又东有山涧通蛟井【周广顺元年于古乌流寺基建保安院治平二年改在县西二十里】有石如鼓不击自鸣【白乐天沃洲山记曰北对四明而金庭石鼓介焉】卢天骥题石鼓诗【山在江城欲尽头招提无处着清幽寒沈水底长留月冷入天围不剩秋村静尚遗看鹤户溪寒只受钓鱼舟眼前佳思能如许悔不长为隐地游】

大明寺居独秀山面大溪有古井可五尺深数尺水不曾少竭山之西为韶国师所凿有坑甚深【晋天福四年有姚氏女舍宅为寺曰崇明寺治平二年改今额县西三十里】

真如寺白道猷行溪而来登山腰有礼拜石石上有两穴膝如陷焉山中筑庵道猷居焉其后于山之坦平者立刹四围山林蔚茂峯峦峻拔涧溪遶寺清汲皆通涧水入于五龙山潭【周显德元年号宝寿院大中祥符改西四十里】

宣妙寺居法华山林樾清邃山有大士井泉味清美深无底东麓有清泉筒引以入于寺其东二小池植莲【宋元嘉二年号崇明寺会昌废晋天福四年建治平改西四十里】

戒德寺依火炉尖山山甚秀拔如星子峯前有松林左右皆松竹二池澄洁【齐永明三年置光德院会昌废天福七年建西四十里】

普惠寺依遥望山有林樾前有桥流水过之东为放生池【齐永明三年号赡养法华院会昌废干符重建治平改西四十里】王铎题普惠方丈诗【镜里形容水底天定将何物喻真禅心安便是毗卢界尽日添香伴兀然】

证道寺居五龙山峭崖绝壁上攀云霄竹树蒙蔽前有阴涧来自宝寿山注于龙潭

潭有五山中有晋高僧白道猷道场【山中产茶不在日注下取潭中水瀹茶尤絶奇治西四十五里晋开运元年号五龙院】

定林寺依山林壑崇峻山抱其右其左翼以太溪水石清湍水出于黄院相去五里有响岩雨下则岩响又有东泄潭有龙居焉其左有山曰石姥山【宋元嘉二年号松山院会昌废晋天福重建治平改西四十五里】山中有响岩龙潭卢天骥过定林寺诗【寒旌隱隱入花村小雨初晴水带昏不憚山程寻寺去只将诗思与僧论麦侵水步深藏艇柳暗人家半掩门莫厌禅居萧冷甚此来一为访溪藤】

下鹿苑寺山接太白山【其上即披云寺宋元嘉二年建号灵鹫寺会昌废咸通十四年重建治平元年改西四十五里】有隱天阁卢天骥登鹿苑隱天阁诗【欲结爱山人共了寻山债未有买山钱愁闻有山卖小雨湿春风倦云遮落日不若叫风来吹云放山出一眼吞万山寸心贮千里何日上归舟教人问春水残雪领春来踈钟惊梦去尚忆去年愁孤舟系江树】再登隱天阁诗【好在沧洲趣青苹入眼多落红随水尽啼鸟柰春何生事诗千首功名印几窠如何唤禅伯软语坐盘陀】山有龙潭潭泄水下为飞瀑对瀑水为玉虹亭卢天骥登鹿苑寺玉虹亭诗【饥餒愁糶号穷冬层峦秀壁撑晴空阁拖小藤余力借来看霜岩飞怒虹小溪催呼老款段瀹鼎篝火烹团龙余甘入口齿颊爽两腋便欲生清风悠然千里堕眼界金篦割膜开双瞳乃知足力不到处别有天地生壶中国恩欲报已华髮征车未去先晨钟玉川乘云紫皇家谪仙骑鲸河伯宫聊追二子归禹穴碧空转首山重重】葛翁仙坛坛之北有仙井水极清美下通海眼四时不竭上有石覆之

上鹿苑寺山自太白山来有姚圣姑者来赴下尘梵供不纳遂披云登山中曳裾止处有灵犬随之遂立寺卢天骥游鹿苑寺山诗【喜车寻春杖登高不待扶蚁寒穿柳影蜂暖饱花须把酒怜樱笋临流忆鳊鱼他时公事了方有醉工夫宋元嘉七年姚圣姑于西山造披云院晋天福七年吴越改披云寺治西四十五里】山中有接山堂卢天骥诗【政和戊戌自东宪游云予尝爱晋人吏隱多在会稽而王子猷冒雪访戴尤为一时胜事予以捕寇过剡时方大雪初霁山流暴涨桥断不可行遂登鹿苑寺凭栏四瞩便觉溪山来相映发岂真中令当日应接不暇处耶为名堂为接山且赋诗以纪其事故腊老欲尽新春慳未来无令陇梅觉且遣山禽催云间古招提鐵凤翔斗魁单车夜剥啄境净无纖埃修篁舞瘦蛟怒瀑生晴雷坐久欲頰风吹我心雾开乃知白莲社未下黄金台緬思王骑曹逸韵挽不回且同谢康乐屐齿破苍苔重游定不恶林壑富诗材】

剡録卷八

●钦定四库全书

剡録卷九

（宋）高似孙 撰

○草木禽鱼上

木

松邛道元水经曰岷山临江松岭森森戴逵松竹赞猗猗松竹独蔚山皋肃肃修竿森森长条戴公文章世少见之此赞甚简古森严

柏

谢灵运山居赋曰木则松柏檀栾会稽郡记曰会稽境多名山水峯嶴隆峻吐纳云雾松栝枫栢枝擢干耸郑僧保剡人孝感甘露降松柏条

檀

传曰檀可为车故曰疆韧之木陆玑草木疏曰檀木皮青滑泽宋南渡初制五辂须檀为车轴取诸剡至今郊年文移如旧

栎

水经曰谢灵运与惠连联句刻孤潭栎侧诗曰山有苞栎尔雅注曰栎有栎彙自裴

梓

水经曰谢车骑居嶴山东北曲江起楼楼北桐梓森攒

桐

谢车骑嶴江所居桐梓森攒人号桐亭丹池山在剡之东旧曰桐栢山道经曰上有桐栢合生

椿

剡溪谷多此木孔德绍诗岁积松方偃年深椿欲秋用庄子事妙绝杞谢灵运诗漉池溉稷稻轻云暖松

杞

齐唐诗榎栴非给燎鱖鲂必施罟

楮

出越经说文曰楮穀也陆玑草木疏曰江南以楮捣纸剡溪作冰纸亦取此东坡诗肤为蔡侯纸子入桐君录李易剡贵门卜筑诗趁时务撷茗余力工捣楮谓作纸也

桤

出山居赋越经尔雅曰桤河柳张衡南都赋注曰桤似栢而香江淹桤颂曰碧叶掩蔼頹柯翕葩喻鳧诗晓坛桤叶露春圃术苗风

柞

周处风土记曰始宁剡界山多柞木吴越之间名柞为栌尔雅曰栩杼柞树也汉五柞宫即此木

石楠

李白诗水春云母碓风扫石楠花祖已诗不知叠嶂夜来雨清晓石楠花乱流魏王花木志曰石楠树野生二月花开剡山谷多此冬叶尤可爱

朴

平泉草木记曰厚朴得之剡溪

樟

出越经酉阳杂俎曰江东人以樟为船张嶠诗白水汪汪满稻畦樟花零落徧前溪

■〈木祭〉

輿地志曰越太平山生■〈木祭〉木剡多此木非止太平山也

楮

出越经李嘉佑诗子规夜啼楮叶暗逺道春来半是愁

思木

平泉草木记曰相思木得之剡溪三异记述异记皆曰战国时有民戍秦妻思之卒塚上生木枝叶皆向夫所谓之相思木吴都赋曰相思之树注曰树理坚邪研之有文可作器陆龟蒙诗树号相思枝满地鸟语提壶声满溪权德輿相思木诗空见相思树不见相思人

竹

许敬宗竹赋曰篔谷着美稽山见知卫称淇澳梁赋夹池吴筠竹赋曰渭川千亩山阳数林会稽润玉罗浮色金竹在会稽尚矣剡左右沙村取宜竹

箭竹

左传曰东南之美有会稽之竹箭剡谢岩五龙山尤多灵运山居赋曰二箭殊叶注曰苦箭大叶筍箭细叶戴凯之竹谱曰会稽箭取精节间三尺坚劲中矢字统曰箭竹之别形小身大叶曰箭竹原父箭竹诗冉冉东南美托根那在兹黄太史箭筍诗会稽竹箭天下闻青岭霜筍摇紫云巽中诗适越长怀冬箭美游吴未数莼丝滑

毛竹

金庭曰毛竹洞天有毛竹李清叟诗云藏毛竹深深洞烟起香炉袅袅风

斑竹

博物志曰洞庭二女以涕挥竹尽斑唐蒋防湘妃泣竹赋曰帝舜兮南巡不回二妃兮心伤已摧泪浪浪而堕睫竹冉冉而凝苔李端诗云去低斑竹风来动白苹

燕竹

燕来时作笋取其早也王梅溪在剡有诗问讯东墙竹佳名始得知龙孙初迸处燕子正来时

苦竹

山居赋曰竹则四苦齐味谓黄苦青苦白苦紫苦也越又有乌末苦顿地苦掉尾苦湘簟苦油苦石斑苦苦笋以黄苞推第一谓之黄莺苦剡亦有之孟浩然诗岁月青松老风霜苦竹余

水竹

山居赋曰水石别谷注曰水竹依水而生甚细密

石竹

山居赋注曰石竹别丛大以充屋其巨者竿挺之属细者■（无）箐之流闽中记曰劳竹似石竹

慈竹

任昉述异记曰南中生子母竹慈竹是也酉阳杂俎曰慈竹夏雨滴汁入地而生王勃慈竹赋曰如母子之钩带似闺门之悌友乔林慈竹赋曰类宗族之亲比同朋友之造膝宋景文公慈竹赞曰根不他引是得慈名注曰竹性土产根不外引密不容寄生夏秋也

桃枝竹

书曰箴席纷纯孔安国曰箴桃枝竹也尔雅曰桃枝竹四寸有节又有梁简文帝竹赋曰玉润桃枝之丽鱼肠云母之名梁元帝诗柯亭临绝涧桃枝夹细流皮日休诗鼓子花明白石岸桃枝竹引翠岚溪

笙竹

字书曰笙竹名也有早竹晚竹棉竹梅圣俞诗侵天笙竹溪西东

筋竹

罗浮山踈曰筋竹坚利南土以为矛笋未竹时堪为弩弦皮日休诗乌纱任岸穿筋竹白袷从披趣肉芝

闪竹

越闪竹即宋景文黄太史所谓对青竹宋公赞曰翠沟如畫太史赋曰金碧其相

紫竹

剡山谷间徃徃有之宋景文紫竹赞曰竹生三岁色乃紫

方竹

玉岑山所植赞宁笋谱曰辰山有方竹其方二寸桂苑丛谈曰李德裕游甘露寺赠僧方筇竹杖后数年至寺僧圆之矣陆龟蒙笋赋曰洪垆靡定方圆不均注曰南方有方竹宋景文方竹赞曰竹个皆圆此独方形张忠定公方竹诗笋从初茁已方坚峻节凌霜更可怜王平父方竹诗方竹同吾操端然直物间

人面竹

剡山有之竹径几寸近本逮二尺节极促四面参差竹书曰如鱼身而凸颇类人面

淡竹

本草曰竹类不一而农经所载惟笙竹苦竹淡竹耳

花

牡丹

仲皎牡丹诗玉棱金线晓妆寒妙入天工不可干老去只知空境界浅红深紫梦中看择璘牡丹诗东君着力为渠裁妙绝真姿不受埃嗟我一观如梦幻倚栏非为爱花来

芍药

李易剡山诗斑竹笋行三亩地红药花开一尺围王梅溪剡馆芍药诗已过花王侯
纔闻近侍香来游禁酒地免作退之狂

海棠

草木记曰木之奇者会稽之海棠沈立海棠记曰德裕言花中带海者从海外来程
琳海棠诗所谓海外移根灼灼奇是也海棠以蜀本为第一今山间所有多野棠王梅溪
在剡有海棠诗欲与春争媚嫣然一笑芳雨中如有恨疑是为无香先公在剡谢人海棠
诗富贵天姿锦里人高华全比玉堂臣绿娇红嫩精神是肯折园林两树春注曰花谱以
海棠比翰林学士唐吴融海棠诗太尉园村两树春年年奔走看花人此诗全成讖也

桂

草木记以剡中丹桂为奇德裕有访剡溪樵客得红桂诗曰昔闻红叶枝独秀龙门
侧越叟遗数株周人未尝识来自天姥峯长凝翠岚色记中曰又得剡中真红桂李白诗
何以折相赠白花青桂枝虽然剡溪兴不异山阴时刘长卿寄剡中诸官诗桂香留客处
枫暗泊村时梅溪王公记周氏天香亭曰崑桂数百根皆古木也苍然成林森然成阴洞
然而深窅径通幽而亭乎其中主人日与客游焉如入宜人之林而夏不知暑如登飞来
之峯而香生自天如骑蟾蜍游兔宫而下游人间世真剡之绝境也先公次韵杨少云桂
花诗溶溶漠漠秋光淡耿耿寥寥夜色清不是灵根函爽气如何酝得此香成玉兔捣霜
千万粒凄风折作四花凝广寒惯识朝真趣一笑秋空意欲凌少云名寅为兵部侍郎时
同在剡

四季桂

予雪馆尝植四季桂白居易诗有木名丹桂四时常馥馥枣据诗芳林挺芳干一岁
三四花据晋人也

雪桂

雪馆雪中桂有花坐客以为自古未有余曰李贺诗雪下桂花稀杜牧诗桂花香带
雪古人已见之

山茶

平泉草木记曰得会稽之山茗越山固多也陶弼山茶诗浅为玉茗深都胜大曰山
茶小海红先公雪馆山茶诗江南嘉木蔚苍苍能与山梅次第芳叶厚耐擎三寸雪飞初
怯受一番霜

石岩

花比杜鹃尤红石岩先放叶后着花仲皎石岩花诗朱英历历烁晴空过了花间几
信风明日畫阑供徙倚却须有句到芳丛

茶

王梅溪剡馆茶诗日烘香倍遠雨浥韵尤清山谷诗雨浥何郎试汤饼日烘荀令炷

炉香其用日烘乃山谷诗中来也醑醑先公剡中赋

醑醑

花诗羽盖珠旛上下蒙倚栏碧动舞蛟龙谁怜澹素朝天面白现光明满月容杨柳风柔沾絮湿蔷薇露重染衣浓典型犹带醑醑力酝得余春百倍醑

杜鹃

剡僧择璘杜鹃花诗春老麦黄三月天青山处处有啼鹃悬崖几树深如血照水晴花暖欲燃三叹鹤林成梦寐前生阆苑觅神仙小山拄颊愁无奈又怕声声■〈目舌〉夜眠剡人谓之映山红唐僧修睦有映山红诗山前几见烟边重溪畔曾逢雨后斜

瑞香

西太白山有此花卢天骥剡山瑞香花诗入梦生香酒力微不须金鸭袅孤醑为嫌淡白非真色故着仙家紫道衣时卢政在西山也了元瑞香谱曰庐山瑞香比他郡取香信乎风物各有相宜吴曾漫录曰剡山瑞香花天圣中始传东坡诸公悉作瑞字此山记中载瑞香花及讷禅师诗山中瑞来一朝出天下名香独见知张祠部以瑞为睡其诗曰曾向端州睡里闻香风占尽世间春窃花莫扑枝头蝶曾见南牕半梦人先公翰林诗云岑深处独翘翘香逐吴山一梦销味入禅心清透澈锦熏篝暖不容招

红梅

卢天骥迎熏堂红梅诗河阳满县栽桃李风过落花吹不起潘郎远韵故不凡为米折腰聊尔尔剡溪诗尹亦可人作堂饷客名迎熏虽无桃李继潘令红梅一窠香入云自怜多病绣衣客百年未半鬓先白长鞭短帽饱霜露田园将芜身未索何日背琴携瘦筇鸣弦堂上迎薰风梅香已断叶初暗满枝着子双颊红寄声艇子可留意为我沿溪撑短篷王梅溪红梅诗桃李莫相妬天姿原不同犹余雪霜态未肯十分红

千叶黄梅

王梅溪诗菊以黄为正梅惟白取嘉徒劳千叶染不似雪中花先公翰林诗一梦梨花失晓云晚贪黄里弄精神寒枝染透蔷薇露犹向人间犯色尘

蜡梅

花有紫心者青心者紫者色浓香烈谓之辰州本蜡梅声名自蕪黄始徐师川诗所谓江南旧时无蜡梅只是梅花对月开也王梅溪剡馆蜡梅诗非蜡复非梅谁将蜡染腮游蜂一见过讶自蜜中来

菊

朱放剡溪舟行诗漠漠黄花覆水时时白鹭惊船此溪边菊有花也先公于雪馆西坡手种一二百本最奇者紫菊丹菊杜荀鹤诗雨匀紫菊层层色风弄芭蕉叶叶声庾信诗层霄映紫芝潜涧泛丹菊者是也先公有种菊诗菊载神农经不见诗三百周官叙鞠衣一言仅可摘黄华纪吕令落英餐楚客伯始饮得寿桐君书探赜移根候萌动需时当甲拆我羨柴桑里敢希履道宅不种儿女花朱朱与白白阅谱品虽多求栽地恐窄握苗

助其长抱瓮溉以泽朗咏黄为正流播风传格寒香紫茁兰晚节铜柯栢相继早梅芳一笑巡檐索

丁香

剡山白丁香絶多殊不恶李贺诗乱系丁香梢满栏花向夕钱起丁香诗露香浓结桂池影鬪蟠虬

薝卜

此花生山谷榛篁间取多禅月所谓白薝卜花露滴也韩渥诗整钗栀子重呵酒菊花香杜甫栀子诗其实也王梅溪诗禅友何曾到远从毗舍园妙香通鼻观静悟佛根源水仙

水仙自鲁直文潜诗得名者有单叶者先公诗朝朝暮暮泣阳台愁絶冰魂水一杯巫峡云深迷昨梦潇湘雪重寫余哀菊如相得无先意梅亦倾心敢后开恼彻会心黄太史他花从此不须栽

蔷薇

李易剡山诗剡山无数野蔷薇黄云烂熳相因依李白题东山亦曰不见东山久蔷薇几度花

凌霄

元稹诗寒竹秋雨重凌霄晚花落白居易诗有木名凌霄擢秀非孤标陆游诗庭中青松四无邻凌霄百尺依松身

剡録卷九

●钦定四库全书

剡録卷十

（宋）高似孙 撰

○草木禽鱼下

果

梅

皇甫冉寄袁郎中经剡诗受律梅初发班师草未齐崔颢入剡诗山梅犹作雨溪橘未知霜仲皎次韵王性之梅花诗白玉丛边碧玉流见花无复为花羞春风细雨溪山路洗尽去年今日愁春到寒林雪得知雪中谁解认芳姿溪山飞上一轮月香满风前独立时择璘梅花诗花老香微春始来禁寒唯有雪相陪无情谁为添愁怯雨后风前亦可哀江朝宗梅花诗【朝宗栝苍人有诗名】小小人家短短篱冷香湿雪两三枝寂寥竹外无穷思正倚江天日暮时月淡霜清驿路长一枝春信到江乡西山饿死魂犹瘦洛浦仙游佩亦香先公翰林次韵新新数点照疎篱又折今年第一枝只为知心无着处雪中独立取多时踏雪归来水路长亲曾相见白云乡风来风去都无那分付行人一点香

杏

卢天骥剡中诗山杏枝头鹑鷃儿来传春意语多时王铨杏花诗玉人半醉点丰肌何待武陵花下迷记得秋千归后约黄昏新月粉墙低醉里余香梦里云又随风雨去纷纭人间春色都多少莫扫残花不尽魂

桃

张燕公题金庭观诗他日洞天三十六碧桃花发共师游东坡诗云刘氏宅边霜竹老戴公山下野桃香王梅溪红桃诗洗尽天天色冷然众卉中却将千叶雪全胜几株红李

林槩剡郊野思诗故园桃李经年别一望归心绕翠蹊越桃李品最繁剡亦多佳种翠李窃脂桃最高李绅游剡龙宫精舍昼寝有老僧见一黑蛇上刹前李树食其子复望东序而去入绅怀中僧曰公睡中有所睹否李曰梦中登李树食李甚美似有一僧相逼乃寤僧知非常延遇甚谨

樱桃

李易剡山诗豆角尝新小麦秀来禽向长樱桃肥卢天骥鹿苑诗把酒怜樱笋临流忆鳜鱼沈约诗野棠开未落山樱发欲燃剡山固多山樱

枇杷

谢灵运七济曰朝夕食既毕摘果堂阴春惟枇杷密林禽春安得有枇杷也始宁墅多植此剡坑吴庄最多宋谢瞻枇杷赋曰肇寒葩于结霜成炎果乎纒露则熟乎夏矣宋周祗枇杷赋曰四序一采素华冬馥八字瓌妙

林檎

山居赋曰枇杷林檎带谷映渚青李来禽出羲之帖梅圣俞诗右军好佳果墨帖求林禽李易剡山诗豆角尝新小麦秀来禽向长樱桃肥

莲

剡少陂隰莲芰非利钱昭度剡溪诗到处杨柳色几家荷叶风尚言此也择璘荷花诗双双白鹭随青空飞入花汀杂翠红烟火一篷渔舍晚归时荡漾小舡风全似惠崇大年小景

瓜

剡之西太平乡产奇瓜绀翠如笏味絶佳庾信所谓美酒含兰气甘瓜开密筒齐灵敏剡人种瓜营壅朝采夕生

枣

枣在嵎山间徃徃青枣耳韩愈诗枣圃落青玃瓜畦烂文贝唐诗雨颗青玃密风香白雪翻若萧山则赤枣甚奇庾肩吾诗踊跃赅鱼醉参差绛枣浮是也

石榴

剡近东阳故多榴房晋潘尼张载张協应贞潘岳夏侯湛若庾儵范坚宋颜测皆有安石榴赋古人爱之若此

葡萄

广志曰葡萄黄黑白三种越剡间多碧蒲桃王梅溪剡馆葡萄诗珠帐累累挂龙须蔓蔓抽从渠能美釀不要博凉州

木瓜越剡所产多青瓜不复丹色如宣城梅溪者何承天木瓜赋曰维兹木之在林亦超类而独召方朝华而繁实比沙棠而有曜佳语也

胡桃

尚书故实曰右军禽李帖又曰胡桃种已成矣木玄虚四明山记曰芙蓉峯山足生胡桃今新剡间种此晋钮滔母荅吴国书胡桃外刚櫟内柔甘质似古贤欲以奉贡善形容如此

柿

剡所多也种亦不一谢灵运山居赋曰裊柿披实于长浦简文赐柿启有云悬霜照采四字甚奇

棹

潘岳诗前庭树沙棠后园植乌棹

梨

剡梨多种盖杜诗所谓塞柳行疎翠山梨结小红者然更有大且重者庾信诗寒谷梨应重秋林栗更肥

栗

始寧墅有栗圃陶隱居曰栗会稽最丰诸暨形大皮厚不美剡及始寧皮薄而甜秦系谢朱放访山居诗土栗添初味寒花带老颜又山中寄钱起苗发诗稚子唯能觅梨栗逸妻相共老烟霞

榲

平泉草木记曰木之奇者稽山之榲东坡诗彼美玉山果粲为金盘实玉山属东阳剡暨接焉榲多佳者僧巽中棐汤诗久厌玉山果初尝新棐汤棐肉和以生蜜冰脑作汤奇絶其木宜制书几王昌龄诗芸香净棐案松影闲瑶墀是也

柑

剡素无柑近有种者擷实来风味不减黄岩胡公柑赋处汉之南背江之阴水带清流山向高岑种柑法也

枙

张籍诗山路黄枙熟沙田紫芋肥真剡中风物也梅圣俞诗越山橙熟久楚饭稻春初

橘

崔颢入剡诗山梅犹作雨溪橘未知霜任昉述异记曰越多橘柚园越人岁税谓之枙橘戸亦曰橘籍

柚

列子曰吴越人间有木焉曰櫛碧实冬青实丹而味酸尔雅音义曰柚作櫛崔琦七蠲曰于斯江泽实产橘柚紫叶元实绿里朱茎谢惠连诗含苞者柚忘忧者萱实摘柯摧叶殒条繁

鍾乳

山居赋曰访鍾乳于洞穴灵运自注曰近山竹青剡嵯谷亦生焉梅福四明山记南一峯石壁数穴生石乳沈约游金庭馆诗朋来握石髓宾去驾轻鸿剡固有此也又诗玉窠膏滴沥石乳室空笼鲍照诗铜溪昼森沉乳窠夜滴沥刘删诗石床新溜乳金灶欲成丹姚合诗玉英含石乳黄粉落松花皮日休诗鹤笙入夜归云屋乳管逢春落石床张籍诗石洞新生乳寒泉旧养龙李适诗扞壁窥丹井梯苔瞰乳穴章孝标诗露寒鍾乳结风定玉花香古人诗中多喜用此

朱砂

崖谷间亦有之人不知采耳李白剡中诗无以墨绶苦来求丹砂要寰宇志曰会稽岁贡丹砂

禹余粮

旧经曰嵯北余粮岭产禹余粮博物志曰禹治水弃余食于江为禹余粮李羣玉诗涧有尧时韭山余禹代粮逋翁剡纸歌宛委山里禹余粮石中黄子黄金屑

云母石

剡山接地壁岭道间所生石色晶莹葛洪丹经用云子者云母也白居易诗朝餐云母散夜吸沆瀣精张籍诗炼成云母休烦爨占得雷公当吏兵皮日休诗深夜数瓿唯栢叶清晨一器是云华注曰云华云母别名

石燕

梅福四明山记曰南峯之北崑生石燕

茯苓

山居赋曰茯苓千岁而方知杜甫茯苓诗翻动神仙窟封题鸟兽形李益茯苓诗松膏为茯苓妙者是鹤形章孝标诗注餅云母滑漱齿茯苓香剡山多乔松松下多苓典术曰松脂入地千岁为茯苓

术

剡山有术尔雅曰术山蓊也庾肩吾术煎启曰绿叶抽条生于首峯之侧紫花标色出自郑崑之下杨侃诗结茅野客前溪住采术幽人絶顶行方干诗云迷收术路雪隔出溪时秦系诗霓裳云气润石径术苗春

黄精

旧经曰石鼓山多黄精博物志曰太阳之草名黄精谢灵运游名山志曰天室固多黄精秦系期王炼师诗黄精蒸罢洗琼杯林下从留石上苔昨日围碁未终局多乘白鹤

下山来

藟藟

本草曰齐越名山芋异苑曰野人谓之土藟张师正倦游杂录曰薯蕷唐代宗名预改为药英庙讳上一字却呼蕷药温公送薯蕷苗诗客从魏都来遗我山藟实则曰山藟王荆公王岐公和蔡枢密山药诗则曰山药黄鲁直和七兄山蕷汤诗则曰山蕷

地黄

山居赋曰采石上之地黄剡地种之白乐天采地黄诗采之将何用持以易糗粮

仙茅

齐唐集曰少微山有仙茅诗曰仙方上品夸灵种忽怪灵芝拆紫苞玉泽返婴看验术少微山是小三茅李商老诗闻说仙茅胜钟乳移根远自西山阿剡亦有焉人少采耳

草

芝

郑僧保剡人芝生于墓

兰

越绝书曰句践种兰于兰渚山旧经曰兰渚山句践种兰之地王谢诸人修禊兰渚亭山居赋曰风生浪于兰渚日倒景于椒涂岂惟兰渚多兰剡兰固自漫山竞秀但花不如兰渚丰挺耳仲子陵幽兰赋曰贞正内积芬华外扬和气所资精明自得此十六字超出笔墨蹊径其知兰者乎王拱辰送陆軫守越诗碁墅风烟清早夏禊亭兰茝暗残春一时称杰句录之

秋兰

山居赋曰水香送秋而擢菑注曰水香兰草也当是秋兰秋兰古人最所钟爱一经灵均风骚之士竞知慕焉离骚曰秋兰兮麝芜罗生兮堂下绿叶兮素华芳菲菲兮袭予又曰秋兰兮青青绿叶兮紫茎张衡思玄赋曰■〈糸隹〉幽兰之秋华东京赋曰芙蓉覆水秋兰被涯魏武帝陌上桑曰柱杖桂枝佩秋兰曹植迷迭香赋曰芳暮秋之幽兰兮丽昆仑之英芝又诗繁华捋茂秋霜悴之君不垂眷岂云其诚秋兰可喻桂树冬荣又诗秋兰被长坂晋傅元秋兰篇秋兰荫玉池池水且芳香又诗秋兰岂不芬鲍肆乱其芳元鼓吹曲又曰谋言协秋兰清风发其芳陆机诗气惠秋兰潘尼诗流声馥秋兰一秋兰之微而词人眷眷如此是亦瓌贞挺秀可以比德欤比从永嘉移本大畧如蕙擢花八九月之交香特重于春兰也

蕙

广雅曰蕙草绿叶紫华林檎诗吴娘晚唱穿菱叶楚客春心记蕙丛

长生草

剡之东四明山生草曰长生不死草虽甚枯槁得水即葱翠甚为异也东方朔神异经曰会稽横山有草茎赤叶青人死服之活十洲记曰不死草出祖洲田人既死者活述

异记曰汉武帝时月支国献活人草仙传拾遗曰祖洲不死草在洲田中名养神芝叶似菰不从生一株活千人杜光庭神仙传曰秦皇时苑中多疫死者有鸟衔草覆其面即活王右丞长生草诗老根那复占春晴能住虚空自发生

鹿胎草

猎士陈惠度射鹿剡山鹿孕而伤舐子死其处生草曰鹿胎草

恒春草

唐方士梁锺进恒春草诗东吴有灵草生彼剡溪傍既乱莓苔色仍连菡萏香金膏徒骋寿石髓莫矜良傥使露涓滴还游不死方

菖蒲

左氏传曰昌歆说苑曰昌本陶隐居曰昌阳东坡石菖蒲赞序满有昌阳之辨卢天骥定林寺沿溪采石蒲诗晓行隱隱入花村小雨初晴水气昏莫厌僧家能冷淡且穿芸屩采溪荪择璘诗寒石一拳添瘦削皆佳句

麝香菜

西山有之即紫苑苗也

石耳

生四明山絕壁絕甘滑

茶品

会稽茶以日铸名天下余行日铸岭入日铸寺緱日铸泉瀹日铸茶茶与水味深入理窟茶生苍石之阳碧涧穿注兹乃水石之灵岂茶哉山中僧言吾左右岩坞能几何茶入京都奉台府供好事者何可给盖取诸近峯剡居半然则世之烹日铸者多剡茶也日铸以水胜耳建溪顾渚溪以茶名者水也剡清流碧湍与山脉络茶胡不奇余留剡几年山中巨井清甘深洁宜茶方外交以茶至者皆精絕唐僧清昼诗越人遗我剡溪茗采得金芽爨金鼎剡茶声唐已着李易剡山诗云谷移佳茗风潭遶古松栽种也趋时务撷茗余力工捣楮采撷也丹鼎山头气茶床竹外烟烹试也仲皎赠剡僧秀蕴点茶成梅花诗未飞三白雪却报一枝春皆风流人也作茶品

瀑岭仙茶

五龙茶

真如茶

紫岩茶

鹿苑茶

大昆茶

小昆茶

焙坑茶

细坑茶

泉品

陆羽水品二十刘伯刍水品七品藻天下名泉也余尽取剡中潭谷水入茶三叹茶非水不可水得茶方神耳卢天骥玉虹亭试茶诗乍见飞泉眼即明玉虹垂地半天声何时闲散无公事洗钵重来汲浅清又航湖未逐鸱夷子得水今同桑苎翁试遣茶瓯作花乳从教两腋起清风斯人殊有风度作泉品

葛仙翁井泉

瀑布泉

五龙潭

簞山三潭

石门潭

响崑潭

动石潭

三悬潭

紫岩潭

橐潭

亚辅潭

泄潭泉

偃公泉

龙藏大井

明觉大井

竹山大井

谢岩潭

狮子岩大井

禽

鹤

张籍诗春云剡溪口残月镜湖西水鹤沙边立山鷓竹里啼李易剡山诗鱼跳破浪奋赤鬣鹤唳投松翻缟衣卢天骥剡中诗但数十家看鹤户与两三只钓鱼船

鸕

出山居赋广志曰黄鸕出东海徐干七喻曰云鸕水鸕张伯玉诗冷风徐引江鸕飞白云回首清猿啼李易剡山有浴鸕池诗沼从鸕举添萧索峯以鸾翔解叹嗟又浴鸕开新鉴纖尘莫遣遮

鸕

出山居赋朱超诗绿草闲游蜂青葭集轻鸕谢眺诗田鹤远相叫沙鸕忽争飞郭璞上林赋注曰鸕似雁无后指

鷓

出山居赋陆玕疏曰两足之英有鷓尔雅曰鷓雉长尾走且鸣抱樸子曰雉有擅泽之鷓

雉

尔雅雉鷓也元稹诗驯鸥眠浅瀨惊雉入平芜齐唐诗織纶鱼■〈凹勺〉尾鸣簸雉摧班晋王淑之翟雉赋曰雉见质而不陋翟表文而不华晋孙楚翟赋曰班五色之奇章扬皦皦之清音尔雅曰鷓山雉尾长温庭筠诗冉冉山鸡红尾长一声樵斧惊飞起江涛剡中诗麦陇将雏驯乳雉柳塘遗子漾游鱼

鸕

项斯诗更望会稽何处是沙连竹箭白鸕羣西京杂记曰鸕有白鸕有黑鸕李白诗请以双白壁卖君双白鸕诗人所乐尚者

子规

李易剡山诗丁宁杜宇往江北为唤故人令早归仲皎怀剡川故居诗蝴蝶梦中新岁病杜鹃声里故乡愁成都记曰蜀王杜宇称望帝死化为鸟名杜鹃一名子规尔雅曰鷓周即此鸟也越人谓之谢豹

莺

出旧经诗义疏曰黄鸟鸕鷀也或曰黄栗留或曰黄鸟一名仓庚谢灵运酬惠连诗嚶鸣已悦豫幽居犹郁陶

畫眉

梅圣俞诗山鸟本无名两眉如粉畫文与可畫眉诗百啭千声随意移山花红紫树高低始知鑊向金笼听不及林间自在啼剡林谷雅多此也

拖白练

张九龄诗山禽毛如白练带栖我庭前栗树枝张佑诗红蕉心半卷白练尾长垂文与可诗盘石坐深林不欲人求见隔岸谁品弦数声拖白练玉岑山最多尤可玩爱

黄雀

剡人候雀曰白露来霜降去张芸叟诗所谓黄雀知时节清江足稻粱是也蘓子由亦曰秋风下黄雀飞禾日熟黄雀肥其曰百个同缶仍相依者可醢也

婆饼焦

梅圣俞诗婆饼焦儿不食尔又向何之尔母山头化为石山头化石可奈何遂作微禽啼不息先公翰林集高亭诗山亭十月晏温朝倚檻一声婆饼焦舌涩力微寒气早不成清亮却成娇

啄木

尔雅曰啄木鷲也白居易诗岂无啄木鸟嘴长将何为贾岛诗经年抱疾谁来问野鸟相过啄木频

布穀

出旧经温庭筠诗莲塘艇子归不归柳暗桑浓闻布谷

戴胜出

旧经尔雅曰戴胜鶯也春秋考异邮曰孟夏戴经降春秋说题辞曰戴经出蚕期起傅元阳春赋曰睹戴胜之止桑聆布谷之晨鸣梅圣俞诗雉翬依麦雉戴胜绕枝翔文与可诗戴胜入园春已老栗留过垄麦将熟程致道戴胜赋曰惟戴鶯氏知与时通降于柔桑以趣女工

鳩

卢天骥剡诗强呼膏雨鳩闲管乍有香泥燕猛忙

巧妇鸟

出旧经鷦性巧巢至精若刺鞮又名鞮雀张祜诗旧巢飞巧妇新叶长宜男梅圣俞巧妇鸟诗巧妇口流血辛勤非一朝莠茶时补绽风雨畏漂摇

伯劳

出旧经周书时训曰五月鵙始鸣蔡邕章句曰鵙伯劳也李嘉佑诗映花双节驻临水伯劳飞

鸚鵡

卢天骥剡中诗山杏枝头鸚鵡儿来传春意语多时欧阳詹诗村店月西入山枝鸚鵡声鸚鵡鸦舅也张祜诗落日啼乌舅空林长寄生胡文恭诗二月辛夷犹未落五更乌舅最先啼此诗说尽鸚鵡啼最早也

山鷓鴣

白居易山鷓鴣诗山鷓鴣朝朝暮暮啼复啼啼时露白风凄凄黄茅冈头秋日晚苦竹岭下秋日低山中最多

竹鸡

梅尧臣诗恐伤尔心不敢泣春冈细雨闻竹鸡林和靖诗昼岩松鼠静春蛰竹鸡深王性之诗惨惨风林叫竹鸡冥冥山路晓光微又德操诗山尽路回人迹绝竹鸡时作两三声陶岳零陵记曰竹鸡状如鶉尾少长北梦瑣言曰竹鸡食半夏

吐绶鸡

剡太白山有鸡五色吐绿绶号吐绶鸟埤雅曰绶鸡似雉吐物数寸食必蓄嗉虑触其嗉行每远草木古今注曰吐绶鸟曰锦鸡刘禹锡吐绶鸟诗越山有鸟翔寥廓嗉中吐绶光若若李易太白山吐绶鸡诗昔人仙去断丹梯憔悴深山吐绶鸡百啭和鸣非我事漫将文采慰幽栖

鶉

博雅曰鶉善斗梅圣俞鶉诗脱命秋隼下鸣斗自相捋夏为黄鶉秋冬为白鶉夏鶉入馔绝胜人多笼致李白诗君看海上鹤何似笼中鶉

鸬鹚

剡溪上渔舟所载者也裴冕诗浅沙游蚌蛤危石起鸬鹚苍颉篇曰鸬鹚似鸱而黑杨孚异物志曰鸬鹚不生卵而孕雏于池泽间又吐生以环挂其项入水捕鱼日得数百翡翠

李绅诗鱼惊翠羽金鳞跃莲脱红衣紫葍摧于仲文诗花惊飞翠羽萍散跃頰鳞柳宗元诗古苔凝青枝阴草湿翠羽仓颉解诂曰鸬翠别名也韩渥诗天长水远网罗稀保得重重翠碧衣则谓之翠碧鸟蔡邕翠鸟诗回顾生碧色动摇扬缥青钱起翠鸟诗擘波得泉鱼一点翠光去形容尽矣李易剡山浴鹄池诗翠光争水鸟红影湛山花谓此也

白鹭

朱放剡溪诗漠漠黄花覆水时时白鹭惊船赵湘剡溪唐郎中所居诗开池延白鸟扫树带清秋诗义疏曰鹭好絮白齐鲁谓之舂锄吴越谓之白鸟

鳧

梁简文帝诗戏鳧乘汛下渔舟冒浪前又诗旅雁同洲宿寒鳧夹浦飞许敬宗诗波拥羣鳧至秋飘朔雁归皆剡中风景毛苌诗传曰鳧水鸟方言曰野鳧甚小好没水谓之鹭鸕仓颉解语曰鳧名水鹄晋张望鹭鸕赋曰惟鹭鸕之小鸟托川湖以繁育能率性以闲放匪窘惕于笼畜谢眺野鳧赋曰碎文锦之丹臆纳绮绿之翠襟

鸕■ 〈鸕鸕〉

温庭筠诗剡溪鱼客贺知章任达怜才爱酒狂鸕■ 〈鸕鸕〉葦花随钓艇蜻蜓菰菜梦横塘谢惠连鸕■ 〈鸕鸕〉赋曰览水禽之万类信莫丽乎鸕■ 〈鸕鸕〉服昭晰之鲜姿憩川湄而偃息临海异物志曰鸕■ 〈鸕鸕〉食短狐在溪中无毒气古人淮赋曰■ 〈鸕鸕〉寻邪而逐害是也陈昭裕图经曰鸕■ 〈鸕鸕〉宿渚若有敕令其浮游也雄左雌右皆有式度

鸕鵒

周礼曰会稽宜鸟其注曰孔雀系鸕鵒之属欧阳询曰鸕鵒似鳧高脚毛冠晋挚虞赋曰鸕鵒呈仪若刻若画巧态多姿乍浮乍没

脊令

出越经杜公所谓沙晚脊令寒者越人曰雪姑赞宁物类志亦曰雪姑尔雅则曰■ 〈邕鸟〉渠脊令也飞则鸣行则摇又有坑鹊殊小

鱼鹰

舟过嶧江一禽如雪擒鱼健于隼问之渔人曰鱼鹰也温公鱼鹰诗翩然下林表不憚风湍恶

兽

麋

灵运自注山居赋曰麋音京能跳跃字书曰麋大鹿也一角而牛尾王梅溪嶧山赋

曰皇书亭畔又看麋滞之踪

■ 〈鹿外旨内〉

尔雅曰■ 〈鹿外旨内〉 大鹿旄毛狗足元稹诗庭狎仙翁■ 〈鹿外旨内〉 池游县令鳧叶清臣诗山迴人逢■ 〈鹿外旨内〉 江清客厌鱼杜甫诗永与清溪别蒙将玉饌俱剡其庶乎

羴

出山居赋尔雅注曰羴羊似吴羊而大其角楠出义训曰羴羊养草以■ 〈船上皿下〉 旋注曰暑天尘露在其角上生草戴之而行爱之独寝又广志曰羴羊角重于肉代都赋曰大角谓之羴

豕

旧经刘禹锡进野猪状曰收刈之余田猎有获异于豕豢着在方书

熊

李白诗湖月照我影送我至剡溪又云熊咆龙吟似豕冬蛰说文曰心有脂曰熊白味美好举木引气庄子所谓熊经鸟伸冬蛰不食饥则舐其掌其美在掌卢象诗明月闻山鸟寒岬见蛰熊李端诗熊寒方入树鱼乐稍窥泉陈陶诗鹤鸣高崖裂熊斗老树倒梅圣俞诗霜落熊升木林空鹿饮溪

罽

出山居赋诗传曰黄罽赤罽大如熊脂白而麓柳宗元罽说曰罽之状被髮人立絶有力

猿

虞騫岷亭诗澄潭写度鸟空岭应鸣猿李白剡中诗猿近天上啼人移月中棹又曰谢公宿处今尚在緑水荡漾青猿啼刘长卿诗鸟道通闽岭山光落剡溪暮帆千里思秋夜一猿啼仲皎东太白山溪猿亭诗挂烟羣木冷啼月一山秋

狐

诗传曰狐色赤白征记曰狐听水无声乃度张说诗啼■ 〈豸 员〉 抱山月饥狐猎野霜

豺

出山居赋尔雅曰■ 〈豸 寸〉 狗足说文曰豺体细瘦谓之豺季秋取兽四面陈之谓之祭兽尝行黄沙道中见一■ 〈豸 寸〉 与一野豕絶大为野丁所夺

獾

剡太白山赵广信鍊丹登仙之处有赤獾尔雅曰獾父善顾郭璞注曰似猴而大能獾持人好顾吟吕氏春秋曰猴五百年化为獾卢天骥鹿苑寺诗饥齧猛獾号穷冬层峦秀壁撑晴空

鱼

鲈

李白诗此行不为鲈鱼鲙自爱名山入剡中项斯寄剡中友诗山晚迥寻萧寺宿雪寒谁与戴家期夜来忽觉秋风急应有鲈鱼触钓丝羊士谔诗山阴道上桂花初王谢风流满晋书会作江南步从事秋来还复忆鲈

鱼白鱼

嵎山下巨潭白鱼所聚大者二三尺头昂者第一尾頰者谓之追红白杜甫诗白鱼困密网黄鸟喧佳音方干诗山鸟踏枝红果落家童引钓白鱼惊韦应物诗沃野收红稻长江钓白鱼白居易诗青青芹蕨下迭卧双白鱼

青鱼

青鱼头色微青刘邵七华曰洞庭之鲋青颇碧鳞盖此类池中所蓄不及溪中者向过娥江渔人数连网得此鱼可三四尺剡中所有乃江中物也

鱧

出山居赋尔雅曰鱧鲟也陆玑疏曰鲟鱧也本草经曰鱧今作鱧字

鲋

出山居赋王肃易注曰鲋小鱼广雅曰鲋鲋也刘邵七华曰洞庭之鲋出于江岷素腴青颇朱尾碧鳞

鲢

鲢即鱮也鱼诗笺曰鱮似鲂而大头鱼之不美者土语曰买鱼得鱮不如啖茹埤雅曰吴越呼鱮鲢鱼齐唐越吟行梗柁非给燎鲢必施罟

鱧

出山居赋陆玑疏曰鱧似鲋鳞细于鲋赤眼多细文孙炎尔雅正义曰鱧好独行

鮠

尔雅曰鮠鮠也陆玑疏曰鮠似鱧狭而厚江东呼为鲤鱼今剡渔谓之逆者鱧鮠之类也

鲤

李易剡山诗鱼跳破浪奋赤鬣鹤唳投松翻缟衣赤鬣鲤也

剡录卷十